



Pagina 5

Caso Isla di Oro: J.O.B. ta cuestiona consistencia den aplicacion di regla y permiso



Pagina 3

- **Concepto di ley nobo ta proteha regulacionnan clave dentro di Reino Hulandes**

Pagina 4

- **Schepenwet di Aruba awo tin responsabilidadnan claramente stipula**

Pagina 2

- **Aruba ta expande nummerplaat pa motibo di aumento den cantidad di vehiculo**

Pagina 2

Aspirant korporeaals ta ehecuta accion anfibio di intensidad halto den scuridad



Pagina 6

Homber condena pa contrabanda di cocaina na aeropuerto di Corsou



Pagina 8

Cuba: Marrero ta defende “humanismo revolucionario”



Pagina 11

Aruba awo ta conta cu un Schepenwet cu responsabilidadnan claramente stipula

E ley di barconan na Aruba, e asina yama Schepenwet, a mira cambianan recientemente den februari, segun por a mira riba e Gazette official di gobierno. E amiendanan haci ta concentra riba mehora seguridad riba lama y aumenta e responsabilidad cu ta cay riba e dononan di e barco mes.

E introduccion di e ley ta detaya cu e ley di dia 4 di februari 2026 ta haci amienda na Schepenwet en conexion cu e necesidad pa modernisa regulacionnan, imposicion di obligacionnan riba e dononan di barco y e introduccion di un posibilidad di investigacion den caso cu accidente sucede.

E amienda aki ta necesario, segun e notanan di splicacion, pa trece e ley den linea cu e practicanan actual y regulacionnan maritimo na nivel internacional. Tur e cambianan aki ta modernisa e reglanan y ta haci nan hopi mas aplicable dentro di Reino, incluyendo Aruba, Corsou, Sint Maarten y Caribe Hulandes cual mirando cu ta trata di un rijkswet, ta aplica na henter e Reino.

Den un di e amiendanan haci, a actualisa y clarifica e definicionnan y bolbe defini esaki completamente pa trece e terminologia den linea cu practica maritimo moderno. E termino "Eigenaar" awo tin un definicion mas amplio, cual ta cubri no solamente e dono registra sino tambe cualkier persona cu a asumi responsabilidad operacional incluyendo cualkier persona cu a tuma over explotacion for di e dono. E palabra "Officier" ta reemplasa titulonnan anterior mas specifico manera stuurman, machinist, radiotelegrafist, etc, cu un solo termino unifica. "Passagier"

y "pleziervaartuig" ta defini di manera mas preciso y "Verscheper" ta formalmente agrega como un termino defini.

E rijkswet awo ta cubri tambe di manera mas explicito zeeschepen cu ta registra Aruba, Corsou y Sint Maarten y loke e ta yama openbare lchamen. Tambe un Algemene Maatregel van rijksbestuur por awo duna exencion na cierto categorianan di barco for di reglanan specifico - of den casonan excepcional - trece barconan manera di guerra bao e ley.

Otro cambio cu a trece ta den e capitan su responsabilidadnan prome cu e nabegacion, cual awo ta hopi mas detaya y explicito. E ley ta nombra itemnan specifico cu mester verifica incluyendo ekipo di seguridad y rescate (cu manual), instrumentonan di nagebacion, instalacionnan di radio, sistemanan electrico, data di estabilidad, limite di pasahero, etc.

Un di e artikel nobo cu a agrega ta Artikel 9a, cual ta marca un di esnan mas importante. Dononan di barco, yama Scheepseigenaren den e ley, awo ta legalmente rekeri di garantisa cu suficiente recurso y sosten ta disponible pa e capitan por cumpli cu e rijkswet. Algemene Maatregel van Rijsbestuur por pone reglanan adicional, parcialmente pa implementa tratadonan of decisionnan di organisacionnan concerni. E artikel aki ta directamente implementa standardnan maritimo internacional manera Maritime Labour Convention den e ley di Reino.

Otro articulo nobo ta Artikel 12a. Den e artikel aki, ta stipula cu Hoofd van de Scheepvaartinspectie awo tin e autoridad formal pa inves-

tiga incidentenan significante cu ta involucra barconan, cu e meta di siña di eesaki y potencialmente crea regulacionnan di seguridad nobo. Reglanan pa con e investigacionnan aki ta conduci por keda crea via decretonan real.

A stipula tambe reglanan tocante e detencion di barconan cu no ta den cumplimiento, y esakinan ta significativamente expandi y clarifica. Ambtenaarnan di Scheepvaatinspectie por detene un barco si e tin falta di certificadonan valido, no ta pasa inspeccion of si e dono, capitan of tripulacion rechasa coopera. Segun e ley, esnan yama "Bemanningsleden" awo tin e derecho explicito di contacta hefe di inspeccion di barco si nan tin algun duda.

Segun e ley, e barconan cu detene mester ta na un localidad designa di acuerdo cu e maneho di waf y no por move esaki sini permiso. E oficialnan di douane ta prohibi di permiti, of 'clear', un barco deteni su salida. Ademá, mester notifica e administracion di e pais concerni tocante cualkier detencion.

E ley ta introduci tambe un sistema di boet nobo, especificamente contra dononan di barco cu ta den violacion di e obligacionnan stipula den Artikel 9a of otro prohibicionnan. E categoria di e boet ta depende si e violacion tabata intencion (opzettelijk - di 4 categoria) of no (tercer categoria).

Varios titulo mas bieu, specifico pa e tripulacion cual e ley ta nombra como stuurman, machinist, radiotelegrafist, radiotelefonist, etc, a keda reemplasa cu e termino di "officier" den e rijkswet. A kita tambe e referencianan na metodonan di comunicacion anticua manera telegraaf of



telefax.

Un cambio chikito pero notable ta e palabra "uitsluitend", a keda ahusta den e definicion di e uso comercial versus no comercial di barconan, ampliando un poco cua barconan ta cualifica bao e acta aki. E ley no tin un fecha stipula cu e lo drenta na vigor, e lo drenta den efecto ora cu koninklijk rijksbesluit dicidi y diferente provisionnan por drenta na vigor na diferente momentonan y potencialmente cu diferencia pa cada pais dentro di Reino.

Esaki ta marca un esfuerso di modernisacion y e introduccion formal di responsabilidad na e dononan y autoridad pa investigacion di

accidentenan, cual ta marca e elementonan di mas impacto pa seguridad maritimo den henter Reino.

Anteriormente den Bon Dia Aruba nos a papia tocante e casonan cu Directie Scheepvaart di Aruba ta en contra, unda hopi biaha tin un falta di cumplimiento cu e rekisitonan mas basico cu ta trata seguridad, y e ley aki su cambianan awo ta stipula di manera mas directo e responsabilidad cu ta den man di cada dono di barco y e trabao di inspeccion cu nan tin cu haci prome cu nabegacion ademas di implementa medidanan pa sigura un cumplimiento di esaki, cu consecuencia presente.

Aruba ta expande nummerplaat pa motibo di aumento den cantidad di vehiculo

Aruba lo expande e rango di nummerplaat disponible pa vehiculonan pa motibo di e crecimiento continuo den e cantidad di vehiculonan di motor registra segun medionan local.

Segun minister di Finanzas y Cultura, e ahuste aki ta necesario pa motibo di e aumen-

to den vehiculonan y e peso administrativo asocia cu eski. Pa medio di haci serienan di number adicional disponible, por preveni cu e serienan existente lo caba.

E regulacion aki ta reemplasa e tabla existente di combinacionnan di nummerplaat y ta expande e capacidad pa varios categoria di vehiculo. Por

ehempel, e vehiculonan regular di letter A awo por yega te 90.000 number, mientras cu rangonan specifico tambe a keda estalbeci pa of expandi pa taxi, autonan di huur, truck y motocicleta.

E appendix wo ta muestra cu taxi (TX), entre otro, por ricibi te hasta 515 nummerplaat y e autonan di huur (V)



te hasta 8.500. Tambe a establece combinacionnan maximo separa pa e transport di e carga y e motocicletanan.

E plan aki awo ya caba a drenta na vigor y ta aplica di manera retroactivo na fin di september di 2025.

Caso Isla di Oro: J.O.B. ta cuestiona consistencia den aplicacion di regla y permiso

E bataya legal relaciona cu Isla di Oro ta uno cu ta andando pa basta tempo. Actualmente e partidonan ta wardando veredicto den e caso cu J.O.B. Holding N.V. a entama contra Gobierno di Aruba despues cu a nenga nan un aanlegvergunning pa por haci limpieza riba nan propiedad, Isla di Oro. Durante un entrevista, J.O.B. Holding a trece dilanti su banda detayando con e proceso a yega na e punto na unda e ta na e momentonan aki.



J.O.B. Holding ta involvi actualmente den un disputa continuo tocante actividadnan riba Isla di Oro, un isla chikito cu el a cumpra tres aña pasa. E situacion a pone atencion riba preguntanan mas amplio tocante gobernanacion di medio ambiente, procesonan di permiso, y e balansa entre derechonan di propiedad priva y prioridatnan di conservacion na Aruba.

For di su inicio, J.O.B. Holding a enfatisa su sosten pa medio ambiente como un di su pilarnan central, banda di compromiso cultural y crecemento sostenibel. J.O.B. a declara cu e principionan aki a guia tanto e desaroyo inicial como e operacionnan continuo di nan propiedad. Na mesun momento, e posicionamento ambiental aki tambe a pone e compania den centro di disputanan cu ta involucra organisacionnan no-gubernamental y instancianan di gobierno.

E disputa a escala y a intensifica cu desaroyonan relaciona cu Isla di Oro, un propiedad adkiri tres aña pasa. Segun Osyth Henriquez, propietario di J.O.B., e isla a ser cumpra cu e unico intencion di restaura e estructura existente cu durante añanan a deteriora, en bes di inicia construccion nobo of expansion comercial.

Esfuersonan pa cuminsa cu actividadnan di limpieza riba Isla di Oro a ser inicia pa medio di consulta cu varios entidad gubernamental, entre otro Departamento di Naturalesa y Medio Ambiente (DNM), Departamento di Infraestructura y Planificacion (DIP), y Departamento di Obra Publico (DOW), como tambe autoridadnan di Aruba Conservation Foundation.

No ta tur stakeholder invita a asisti na e reunionnan inicial, pero segun Henriquez a splica, DNM a participa y a indica na e momento ey cu actividadnan di limpieza por a sigui sin tin mester di pidi un aanlegvergunning, pasobra ta categorisa e trabao como mantencion en bes di desaroyo.

E actividadnan plania tabata encera kitamento di sushi y material deteriora for di e sitio. Henriquez a splica cu e isla tabata den uso te cu añanan 1990 y comienso di añanan 2000, lagando atras estructura y material di metal cu a degrada for di e tempo ey. Esaki a lanta preocupacion cerca nan tocante riesgonan di seguridad y medio ambiente, incluyendo e posibilidad cu materialnan por cay den awanan rond of ta forma peligro pa bishitantenan.

Henriquez a sigui splica cu pa por ehecuta e limpieza riba e isla, a pone un mashin di bobcat riba e isla pa yuda cu limpieza. E intencion declara di e compania tabata limita na restaura y limpia e area.

A pesar di indicacionnan inicial di DNM cu un aanlegvergunning no tabata necesario pa trabao di limpieza, autoridadnan despues a declara cu toch un aanlegvergunning tabata necesario, cual Henriquez a remarca no ta cuadra pasobra nan a laga un team di abogado na Hulanda verifica si en berdad mester of no di un aanlegvergunning.

Asina mes J.O.B. a entrega un peticion pa un aanlegvergunning, pero esaki a ser nenga. Segun J.O.B. a indica, e negamento tabata basa riba input di conseho di Aruba Conservation Foundation, un entidad cu tambe ta involvi den e procesonan huridico andando relaciona cu

e caso.

Durante e proceso di revision di permiso, un requisito adicional pa un evaluacion di impacto ambiental, comunmente conoci como un MER rapport, a ser introduci. E tipo di rapportnan aki tipicamente ta encera estudionan extenso conduci durante periodonan mas largo pa evalua e implicacionnan ambiental di proyectonan na escala mas grandi. E exigencia a lanta preguntanan debi na e escala relativamente chikito di e trabaonan proponi riba Isla di Oro, cu ta ser calcula na mas o menos 110 meter cuadra.

Den reunionnan siguiente involucrando representantenan di DNM, DIP y J.O.B. – Aruba Conservation Foundation no a presenta – a reconoce cu e alcance di e proyecto kizas no ta hustifica un rapport completo di MER. En bes di esey, e representantenan a yega na un acuerdo pa J.O.B. entrega un rapport general cu ta delinea e actividadnan premira, incluyendo detayenan tocante e estructura existente, trabao di restauracion plania, y impacto general. E rapport aki a ser traha y entrega na DIP manera a ser pidi.

Sinembargo, desacuerdonan a persisti tocante si e documentacion entrega tabata suficiente. Aruba Conservation Foundation a keda riba e punto cu e rapport entrega no tabata un MER rapport y cu un MER rapport tabata necesario, mientras cu e documento cu J.O.B. a entrega tabata bisa explicitamente cu e no tabata destina pa sirbi como un MER rapport, y tabata basa riba acuerdonan previo cu e departamentonan di gobierno.

E situacion a subraya diferencianan den interpretacion



entre varios stakeholder, particularmente pa loke ta trata rekisitonan regulatorio y supervision ambiental. Tambe a haci comparacionnan cu otro proyectonan di desaroyo, incluyendo iniciativanan caminda rekisitonan di reporte similar tabata ser maneha diferente.

Un otro aspecto di e disputa ta encera puntonan di bista diferente riba e caracteristicanan ambiental di Isla di Oro. Autoridadnan a mostra riba e presencia di ecosistema di mangel, yerba di lama y rif di coral den e area rond di e isla, enfatisando nan importancia ecologico. E habitantenan aki ta hunga un rol den ciclonan di bida marino, proveyendo tereno di cria pa varios especie.

J.O.B. ta reconoce e presencia di e ecosistemanan aki, pero ta remarca cu caracteristicanan asina tambe ta presenta riba e otro rifnan rond Aruba. E compania a trece dilanti e argumento cu condicionnan ambiental similar ta existi na lugarnan aki caminda desaroyo a tuma lugar sin e mesun nivel di restriccion of control.

Preocupacionnan tocante consistencia den e aplicacion di regulacionnan a bira un tema cu ta ripiti den e caso. J.O.B. a indica cu exigencianan cu ta cambia y interpretacionnan diferente di autoridadnan a crea incertidumbre y obstaculonan pa e proyecto. Esaki ta inclui introduccion di condicionnan nobo despues cu ya a duna un guia inicial.

J.O.B. tambe a menciona e condicion di Isla di Oro mes como un factor den e urgencia di e esfuersonan di limpieza. E estructura existente ta ser describi como den un estado di deterioro, cu materialnan ta kibra y potencialmente ta

drenta den e ambiente marino rond di dje. Adicionalmente, e isla ta ser frecuente pa bishitante, incluyendo riba kayak, loke ta lanta preocupacion di seguridad tocante structuranan instabil.

J.O.B. su intencionnan pa realisa limpieza a enfrente restriccion, limitando acceso na e propiedad. Di acuerdo cu declaracionnan haci durante di e procesonan huridico, un di e motibonan menciona pa e restriccionnan aki ta un preferencia di cierto autoridadnan pa mantene control riba e isla.

E conflicto tambe a trece atencion riba plannan anterior di otro compania pa desaroyo riba Isla di Oro. Documentacion di proposicionnan aki a sugeri cu e proyecto anterior tabata trata di un construccion cu ta extende den awa, incluyendo structuranan di acomodacion. Segun documentacion, e plannan aki a ricibi un nivel diferente di compromiso y cooperacion di autoridadnan compara cu e proposicion actual, cu ta limita na restauracion y mantencion di e area existente.

E caso ta sigui desaroya dentro di e sistema huridico cu veredicto plania pa dia 8 di april. E situacion ta refleha retonan mas amplio den alinacion di iniciativanan priva cu politicanan ambiental, particularmente den un contexto di isla chikito caminda uso di tereno, conservacion y desaroyo di turismo ta crusa otro.

E resultado di e disputa por tin implicacionnan pa con proyectonan similar ta ser evalua y maneha den futuro, particularmente pa loke ta trata claridad y consistencia regulatorio.

Concepto di ley nobo ta proteha regulacionnan clave dentro di Reino Hulandes

Un concepto di ley nobo dentro di Reino Hulandes tin como meta pa sigura cu un cantidad di regulacionnan existente importante ta sigui aplica na Aruba y e otro paisnan di Reino. E proposicion no ta introduci politicanan nobo, pero en bes di esey ta enfoca riba preveni buraconan legal cu por surgi despues di cambionan constitucional recien.

E concepto di ley, splica den un memorandum oficial, ta principalmente tecnico. Su proposito ta pa duna un base huridico apropiada na varios regla existente na nivel di Reino, conoci como medidanan general di gobernacion di Reino (algemene maatregel van rijksbestuur; AMvRBs). Sin e paso aki, e reglanan aki por caduca den e proximo añan, aunke ainda nan ta ser considera necesario.

E necesidad pa e proposicion ta bini di cambionan den e Statuut pa Reino Hulandes cu a drenta na vigor dia 1 di januari 2024. E cambionan aki ta limita e habilidad di gobiernonan pa crea of mantene medidanan asina sin aprobacion pa medio di un ley formal. Den palabranan simpel, reglanan cu antes tabata permiti pa existi riba nan mes awor mester ser sostene pa legislacion.

E reforma a ser introduci pa fortalece e control democratico. Door di exigí un base legal, parlamentonan den e diferente paisnan di Reino—incluyendo Aruba—lo tin mas influencia riba con e reglanan aki ta ser crea y manteni. Sinembargo, e cambio aki tambe a crea un reto practico: varios regla existente ainda no tabata mara na un ley.

Pa atende cu esaki, a introduci un periodo di transicion. Reglanan existente sin un base legal ta permiti pa keda na vigor pa un tempo limita—te cu cuater año. Despues di esey, nan lo caduca automaticamente a menos cu adopta un ley pa sostene nan.

Aki ta caminda e proposicion actual ta drenta. Autoridadnan a revisa tur e medidanan existente y a identifica dies cu ainda mester. E concepto di ley ta diseña pa garantiza cu e medidanan aki ta keda valido y ta sigui funciona manera



destina. Pa Aruba e proposicion ta importante pasobra e reglanan aki ta forma parti di e sistema huridico mas amplio di Reino. Hasta si nan no ta semper visibel den bida diario, nan ta yuda garantiza cu e diferente paisnan por traha hunto sin problema y consistente.

Varios di e medidanan inclui den e proposicion ta data for di e cambionan constitucional grandi di 10 di october 2010. Riba e fecha ey, Antias Hulandes a ser disolvi, y Corsou y Sint Maarten a bira paisnan separa dentro di Reino, banda di Aruba y Hulanda.

E tempo ey, reglanan special a ser crea pa maneha e transicion. E reglanan aki tabata cubri asuntonan manera e traspaso di derecho y obligacionnan, maneho di debenan publico, y e continuacion di cierto institucionan, incluyendo e Banco di Seguro Social.

Aunke e reglanan aki originalmente tabata destina pa sostene e transicion, nan ta hunga un rol awe. Segun e memorandum, nan ta importante pa seguridad huridico. Por ehempel, si surgi disputanan tocante acuerdo of responsabilidadnan for di e periodo ey, e reglanan aki ta duna guia cla.

Mantene e reglanan aki na nivel di Reino tambe ta importante pa garantiza consistencia. Si cada pais mester a crea su propio version, diferencianan por surgi, loke ta conduci na confusion of trato desigual. Manteniendo nan como reglanan comparti, Reino ta percura pa un maneho uniforme.

Banda di e medidanan transitorio aki, e proposicion ta inclui reglanan cu ainda ta ser usa activamente. Un ehempel ta e financiamiento di Ministerio Publico. E institucion aki ta opera a traves di varios

pais dentro di Reino, pues ta importante pa tin acuerdonan cla riba con e ta ser financia.

Un otro area clave cu e proposicion ta cubri ta regulacion maritimo. Partinan di e Decreto di Barco di 2004 ta inclui, specialmente esnan cu ta trata nabegacion di barconan y seguridad maritimo. E reglanan aki ta mara na acuerdonan internacional cu tin como meta pa garantiza seguridad riba lama.

Esaki ta particularmente relevante pa Aruba. Como un isla cu un sector turistico fuerte y un waf activo, seguridad maritimo ta esencial. Manteniendo e reglanan aki ta yuda Aruba cumpli cu normanan internacional y ta sigura cu barconan por opera sigur den su awanan.

E proposicion tambe ta tene reglanan relaciona cu trabao humanitario. Por ehempel e decreto di Cruz Cora ta regla con ta organiza asistencia humanitario voluntario den henter Reino. Esaki ta inclui sosten pa hendenan afecta pa emergencia, conflicto of desaster.

Como cu Cruz Cora ta opera den tur pais den Reino, ta importante pa e reglanan cu ta regla su trabao keda consistente. Esaki ta yuda sigura cu e asistencia por ser coordina efectivamente, incluyendo na Aruba ora cu tin mester.

Un otro medida inclui den e proposicion ta regarda otorgamiento di medaya na boluntarionan cu ta contribui na orden y seguridad publico. Aunke esaki por parse menos importante cu otro reglanan, e ta refleha un sistema di reconocimiento comparti den henter Reino y ta subraya e importancia di trabao boluntario.

Un característica clave di e proposicion ta cu mayoria di e reglanan aki ta basa riba

consenso. Esaki ta nifica cu Aruba, hunto cu Corsou, Sint Maarten, y Hulanda, mester bay di acuerdo riba esakinan. Ningun pais por cambia of kita e reglanan aki riba su mes.

E sistema aki ta sigura cu Aruba tin voz igual den decisionnan cu ta afecta asuntonan comparti. E ta refleha tambe e estructura di Reino, unda cu paisnan ta coopera riba cierto asunto mientras ta mantene nan propio independencia den otronan.

Enbes di skirbi di nobo e reglanan existente, e proposicion ta tuma un maneho mas simpel. E ta agrega un fundeshi legal bao di nan, permitiendone nan sigui den nan forma actual. Esaki ta nifica cu e contenido di e reglanan no ta cambia, pero nan status huridico ta ser fortalece.

Segun e memorandum, e maneho aki ta suficiente pasobra e reglanan mes ta ser considera apropiada ainda. E tema principal no ta nan contenido, pero e necesidad pa cumpli cu e exigencia constitucional nobo pa un base legal.

E memorandum ta adverti tambe cu permiti e reglanan aki caduca por crea problema. Sin nan, por tin incertidumbre tocante con cierto asuntonan mester ser maneha. Esaki por afecta cooperacion entre paisnan y crea confusion den areanan caminda mester di reglanan cla.

Pa Aruba, esaki por tin consecucionan practico. Por ehempel, buraconan den regulacion maritimo por afecta actividadnan di barco y waf. Incertidumbre tocante areglonan legal por complica disputa of procesonan administrativo. Y reglanan no cla pa institucionan comparti por stroba nan funcionamiento.

Na mesun momento, e proposicion no ta cera e reglanan aki na nan lugá permanentemente. E ta permiti flexibilidad. Si tur pais bay di acuerdo den futuro cu un regla particular no ta necesario mas, toch e por ser cambia of kita.

Sinembargo, e memorandum ta señala cu kita e ley proponi completamente probablemente lo no ta practico. Haciendo esaki lo causa cu tur e medidanan cu e ta sostene lo caduca di biaha, loke por conduci na interrupcion generalisa.

Door cu esaki ta un ley di Reino di consenso, e mester ser aproba pa tur pais den Reino, incluyendo Aruba. Esaki ta nifica cu gobierno y Parlamento di Aruba lo tin palabra den si e proposicion ta ser adopta.

E proceso aki ta refleha e naturalesa cooperativo di Reino. Mientras cu cada pais tin su propio responsabilidadnan, nan ta traha hunto tambe riba asuntonan comparti cu ta beneficia tur parti di Reino.

Pa Aruba, e proposicion ta parti di un esfuerso mas amplio pa adapta na cambionan den e cuadro legal di Reino manteniendo continuidad. Door di sigura e base huridico di e medidanan aki, Reino tin como meta pa evita interrupcion innecesario y garantiza cu e cooperacion ta continua di un manera efectivo.

Den e periodo binidero, e proposicion lo ser revisa door di e diferente gobierno y parlamentonan dentro di Reino. Nan discusion y decisionnan lo determina con e reglanan aki ta ser conserva y con nan ta sigui aplica den practica.

Na final, mientras cu e proposicion por parece un ahuste tecnico, su impacto ta significativo. E ta yuda sigura cu e fundeshinan legal di cooperacion dentro di Reino ta keda fuerte, predecibel, y aline cu e Statuut actualisa.

Pa Aruba, esaki ta nifica estabilidad continuo den areanan clave manera seguridad maritimo, seguridad huridico y cooperacion institucional—factornan cu ta esencial pa gobernacion di e isla y su rol dentro di Reino Hulandes.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Protesta di sindicato durante bishita di Rey ta hala atencion di Reino

E bishita oficial di Su Mahestad Rey Willem-Alexander na Aruba diaranson ultimo, en conexion cu celebracion di aniversario di Status Aparte y Himno y Bandera, tabata caracteriza pa celebracion y ceremonia, pero tambe a atrae un protesta chikito di sindicatonan expresando preocupacion pa e ley conoci como HOFA y reforma dentro di Reino.

Segun varios reportahe, decenas di manifestante a reuni durante partinan di e bishita real, usando e bishita di perfil halto pa resalta insatisfaccion cu e implementacion y impacto di e ley di reforma di supervision financiero HOFA. E protesta a keda limita den su tamaño, pero tabatin un mensahe cla y dirigi.

Mientras multitudnan grandi a presenta pa duna bon bini na e Rey cu musica, presentacion cultural y festividad, representantenan di sindicato tabata para cera cu borchí y banner, insistiendo cu nan “no ta bay cera wowo” pa e consecuencia di e ley di Reino. E frase a subraya preocupacion cu politicanan actual ta pone cada bes mas presion riba trahadornan y sector publico.

Segun reportahenan den medianan local y di Hulanda, e demostracion tabata organisa pa sindicatonan buscando pa pone atencion riba loke nan ta describi como e efectonan social y economico di HOFA. Esaki ta inclui preocupacion tocante seguridad di trabao, condicion laboral, y un presion financiero mas amplio.

Manifestantenan a enfatisa cu nan protesta no tabata dirigi personalmente contra Su Mahestad Rey Willem-Alexander, sino contra e gobiernonan dentro di Reino cu ta



responsable pa HOFA. Door di manifesta durante e bishita, nan meta tabata pa trece visibilidad mas amplio pa nan preocupacionnan.

E protesta a desenvolve pacificamente, cu polis manteniendo un presencia pa garantiza orden y pa separa e manifestantenan for di e eventonan principal. Autoridadnan no a reporta ningun incidente, y e schedule oficial a procede sin ningun interrupcion.

A pesar di e protesta, e atmosfera general rond di e bishita di Su Mahestad Rey Willem-Alexander a keda festivo. Mayoria di esnan presente tabata enfoca riba duna un bon bini na e Rey, reflehando un recepcion generalmente positivo. Asina mes, e presencia di manifestantenan a resalta tension subyacente, vincula na reforma y gobernacion.

Observadornan ta nota cu manifestacionnan asina durante un bishita real no ta inusual, ya cu nan ta duna un momento di atencion eleva. Den e caso aki, e sindicatonan a usa e ocasion strategicamente pa amplifica preocupacion tocante HOFA y su impacto percibi riba Aruba.

Bishita di e Rey tabata forma parti di un tour mas amplio di e parti Caribense di Reino, cu meta pa reforsa laso. Na mes momento, eventonan na Aruba a ilustra con bishitanan ceremonial tambe por fungi como un plataforma pa expresion publico.

A pesar di un escala modesto, e protesta di sindicato a agrega un dimension critico na e eventonan di e dia, señalando cu debate tocante HOFA ta keda activo.

Discusion publico

Recientemente, sindicatonan di Aruba a reuni den un rueda di prensa pa expresa preocupacion riba e asina-yama consensus Rijkswet HOFA. Presidente di FTA, Hose Figaroa, a indica den nomber di e sindicatonan cu ta importante pa bolbe pone e tema den discusion publico, specialmente na momento cu Aruba ta conmemorando 40 aña di Status Aparte. Segun nan, cualkier decision cu por afecta e autodeterminacion di pueblo di Aruba mester ser analisa cuidadosamente.

E representantenan sindical a indica cu e asunto di e consensus Rijkswet HOFA a ser discuti na diferente momento den pasado, pero cu

den ultimo tempo e debate a suavisa un poco, pero segun nan, e momento actual ta apropiada pa bolbe trece e tema den discusion amplio.

E sindicatonan a pone enfasis riba e contexto historico den cual e preocupacion aki ta surgi. E aña aki, Aruba ta celebrando 40 aña di Status Aparte y tambe 50 aña di Himno y Bandera nacional. Segun nan, e simbolonan aki ta representa aspiracionnan cu pueblo di Aruba a lucha pa logra durante hopi decada. Status Aparte, alcanza 40 aña pasa, ta un expresion importante di e derecho di autodeterminacion di pueblo di Aruba.

Recientemente gobierno Hulandes a anuncia cu Consejo di Minister di Reino a aproba e concepto di e consensus Rijkswet HOFA. E concepto di ley lo sigui su proceso legislativo na Hulanda, unda e lo ser manda pa Raad van State pa conseho prome cu sigui su trayecto pa aprobacion.

Segun e sindicatonan, e anuncio aki a reactiva preocupacionnan cu anteriormente ya a ser expresa riba e tema. Nan a splica cu na Aruba leynan normalmente ta ser traha y aproba door di Parlamento di Aruba, cu ta representa e pueblo. Un Rijkswet, sinembargo, ta un ley na nivel di Reino cu ta ser trata principalmente den Parlamento Hulandes, loke segun nan kiermen cu e influencia di Parlamento di Aruba riba e proceso legislativo ta limita.

Ayera, Parlamento a tene un reunion cu e sindicatonan tocante nan preocupacionnan pa HOFA. Por lesa mas tocante esaki den e siguiente edicion di Bon Dia Aruba.




Aspirant korpuraals ta ehecuta accion anfibio di intensidad halto den scuridad

Ayera, mediante un publicacion riba rednan social, Defensie Caribisch Gebied, hunto cu ARUMIL, a comparti informacion y potret tocante un ehercicio di training cu VVO di CARMIL a completa recientemente.

Un grupo di aspirant korpuraal di e Training Vocacional Avansa (VVO) CARMIL recientemente a participa den un ehercicio intensivo, diseñá pa reforsa nan habilidadnan di liderazo. E training a tuma lugar en colaboracion cu reclutanan di Caribe for di e Training Militar Inicial (EMV), culminando den un reto di accion anfibio na Mount Pleasant.

Durante e operacion, e personal militar a keda transporta riba boto prome cu a desplega riba tera pa ehecuta un accion coordina. E escenario tabata rekeri comunicacion cla, consciencia tactico, y liderazgo decisivo – competencianan clave pa esnan preparando pa asumi rolnan di comandante dentro di forsan arma. E ehercicio a incorpora e uso



di diferente tipo di arma di candela, incluyendo e MAG machine gun y e rifle C7, agregando na e realismo y complehidad di e mision. Door di simula condicionnan operacional lo mas cercano cu ta posible, e participantenan por a gana experiencia practico valioso den tanto tecnica di combate y coordinacion di team.

Pa reforsa e realismo mas ainda, a haci e accion den scuridad. Opera den anochi ta introduci retonan adicional, manera visibilidad limita y aumento di dependencia riba trabao en ekipo y disciplina. E

condicionnan aki a pone den prueba no solamente e habilidadnan tecnico di e participantenan, sino tambe nan resiliencia mental y habilidad di traha bao presion.

Pa e aspirantenan, e accion anfibio tabata forma parti di nan “siman anfibio” specialisa, un componente clave di nan programa di desaroyo di liderazgo. Pa e reclutanan EMV, e ehercicio a marca e atake final di nan Field Training Exercise (FINEX). E logro aki tabata sigui pa un caminata exigente di 25 kilometer, concluyendo na Fort Amsterdam, unda nan a



keda ricibi ceremonialmente despues di a complet'e.

E ehercicio conhunto ta resalta e importancia di train-

ingintegra dentro di e unidatnan militar Caribense, promoviendo cooperacion, disciplina y e siguiente generacion di lidernan capaz.

Di situacion inaceptabel na accion concreto:

Renobacion na OC Dakota ta avansando

Diamars mainta, Minister di Husticia, Integracion, Transporte Publico y Energia, mr. drs. Arthur Dowers (AVP) a haci un bishita na Centro Ortopedagogico Dakota den contexto di celebracion di Dia di Himno y Bandera.

Durante e bishita, e minister a tuma e oportunidad pa inspecciona e trabaonan di renobacion cu a cuminsa algun siman pasa, y a expresa satisfaccion cu e progreso



visibel, cu e cushinanan awor completamente cla. Den comienso di su tercer termino como minister di

Husticia, Dowers a haci su bishita di introduccion na e facilidad di OC Dakota, unda e a constata un situacion serio y inaceptabel. Segun un comunicado di gobierno, e minister anterior a laga e centro den un estado deplorabel, cu espacionan di uso diario pa e hobennan yen di schimmel, dak cu ta lek ora di yobida, y presencia di comehein cu a causa daño significativo na e infraestructura, incluyendo cabinetnan di cushina. Segun minister Dowers, esaki no ta un situacion digno pa ningun persona, y sigur no pa un facilidad bao responsabilidad di gobierno.

Confronta cu e situacion aki, minister Dowers a tuma paso



inmediato hunto cu directiva di OC pa crea un plan di accion concreto pa drecha e situacion. Awe, e resultado ta visibel: cada blok ta conta cu un cushina completamente nobo, a trata e murayanan pa preveni humedad, y tin control temporal riba e situacion di comehein, mientras cu ta sigui traha riba solucionnan structural.

Actualmente, OC Dakota ta atende 15 hoben cu ta sigui un programa di guia y coreccion. Cu cada paso di mehoracion, dignidad ta bolbe poco poco den e facilidad, tanto pa e hobennan como pa e profesionan cu ta traha den circunstancianan dificil.

E siguiente fase di e proyecto ta enfoca riba reparacion di e daknan cu ta lek den varios blok y elimina e problema di comehein sistematicamente. Despues, lo sigui cu mehoracion di e espacionan di descanso y otro espacionan funcional den e facilidad.

Minister Dowers a expresa su gratitud profundo na e empleadonan di Centro Ortopedagogico Dakota, reconociendo nan compromiso, determinacion y profesionalismo, a pesar di e circunstancianan dificil den cual nan a sigui cumpli cu nan tarea di gran importancia social.



ANUNCIO/BLBA/018/26

Middels deze brief wordt de aangevraagde Referendum onder de werknemers van:

“Aruba Airport Authority N.V.” afgelast.

Reden hiertoe is brief van vakbond STA dato 17 maart 2026.

Aruba, 17 maart 2026

Wnd. Mediador di Gobierno

Mireille Meeuwisse

AWA

MINI MEGA

MEGA PLUS

Awo cu 2 florin mas, bo por gana e

*** Afl. 540.000,-**

*** Afl. 360.000,- + Afl. 180.000,-**

extra

MEGA PLUS



HUNGA AWO

f

X

ig

yt

loto

Benta ta sera 7:30 pm y sorteo ta hunga 7:45 pm

Caso di meningitis na Reino Uni ta subi pa 27

(AFP)—Cantidad di caso di meningitis cu autoridadnan di Reino Uni ta investigando a subi pa 27, oficialnan di salud a bisa diahuebs, despues di un brote mortal sin precedente centra riba un universidad.

UK Health Security Agency (UKHSA) a bisa den un declaracion: “15 caso confirma na laboratorio y 12 reportahe ainda ta bao investigacion, loke ta trece e total na 27”.

Dos persona a muri desde cu e epidemia a bira conoci durante fin di siman, centra riba University of Kent zuidoost di Canterbury y un club nocturno local popular entre studentenan.

Prome minister Keir Starmer a lidera yamadonan urgente pa hobennan cu a bishita e club durante fin di siman di e brote pa presenta nan mes, agregando cu expertonan di salud ta trahando pa identifica contactonan cerca di esnan cu a keda malo.

Papiando den parlamento diamars, el a pidi pa “cual-



kier hende cu a bishita Club Chemistry riba 5, 6 of 7 di maart pa presenta nan mes, por fabor, pa ricibi antibiotico”.

E universidad a implementa un programa di vacunacion dirigi contra meningitis pa rond di 5.000 estudiante. Centenares di estudiante a forma un fila riba campus diaranson pa ricibi e vacuna.

Cantidad di caso cu autoridadnan di Reino Uni ta investigando a subi desde

diamars di 15 pa 27, autoridadnan a confirma diahuebs, den medio di temor cu e enfermedad por plama mientras studentenan ta bay cas pa Paasvakantie.

Autoridadnan Frances tambe a reporta un caso cu ta involucra un persona na Francia, kende a studia na University of Kent.

Tambe a confirma casonan entre estudiante na cuater scol den Kent, y un estudiante na un institucion di educacion

superior na Londres, autoridadnan di salud di Reino Uni a bisa.

E dos morto den e brote a ser identifica como un mucha muher di 18 aña y un estudiante di University of Kent di 21 aña.

Meningitis ta un infeccion potencialmente mortal cu por causa sepsis si e afecta e membraannan protector rond di cerebro y cordon spinal.

E ta mas comun den mucha chikito, adolescente y adultonan hoben.

Sintomanan inicial di meningitis ta inclui dolor di cabes, keintura, curpa zwak y nek stijf — pero esakinan ta sintomanan cu tambe ta presente den otro enfermedadnan y por haci diagnostico rapido mas dificil.

E enfermedad por progresa rapidamente, unda otro señal frecuentemente ta un rash, y e ta transmiti door di contacto cerca prolonga, incluyendo via sunchi of via compartimento di vape of bebida.

Por lo menos nuebe di e casonan confirma ta di meningococica grupo B, segun UKHSA.

E bacteria aki ta mas incomun y mas mortal cu e tipo viral.

Mediconan den henter e pais a ricibi instruccion pa prescribi antibiotico na cualkier persona cu consulta nan y cu a bay Club Chemistry entre 5-7 di maart y tambe na studentenan di University of Kent “si nan pidi pa busca tratamiento preventivo”.

Diferencianan nobo ta pone otro sombra riba tratado di vacuna pa pandemia

(AFP)—Diferencianan entre paisnan rico y pover tocante comparticion di vacuna a pone un sombra nobo riba esfuersonan pa finalisa un tratado di UN riba combati pandemia, oficialnan a reconoce diaranson.

“Claro cu tin diferencianan entre estadonan miembro, pero mi por mira cu nan ta cerando e buracan,” director di World Health Organisation (WHO), Tedros Adhanom Ghebreyesus, a bisa durante un conferencia di prensa prome cu comienso di combersacionnan nobo e siman cu ta bin.



Fuentenan cerca di e negociacionnan a bisa cu tin division entre paisnan desaroya y den desaroyo, y tambe den e mesun gruponan, riba nivel di regulacion cu mester impone riba companianan cu ta fabrica vacuna.

Estadonan miembro di WHO a acorda aña pasa riba un tratado pa preparacion contra cualkier pandemia den futuro. Movimentonan pa e tratado a cuminsa na 2022 despues cu e pandemia di coronavirus a

monstra desigualdad amplio den acceso na vacuna.

Un parti central di e tratado ta trata comparticion di patogenonan cu por causa pandemia — e sistema Pathogen Access and Benefit Sharing (PABS).

Companionan cu ricibi acceso na PABS mester acepta pa reserva por lo menos 20 por ciento di nan produccion di vacuna pa WHO, unda mitar di esaki lo ser dona.

Pero paisnan a acorda pa tuma un aña adicional pa defini aplicacion completo di e sistema di acceso na patogeno, y e condicionnan aki

awor ta enfrentando revision nobo.

E diferencianan ta ser discuti pa un grupo intergubernamental di WHO lidera pa Dedret Emiroglu, kende a bisa cu combersacionnan e siman cu ta bin lo “forma e futuro di e acuerdo di pandemia di WHO”.

Si nan logra un acuerdo, esaki lo ricibi aprobacion final durante asamblea anual di WHO na mei.

Merca, anteriormente un contribuyente clave, a sali di WHO y a cuminsa firma acuerdonan bilateral cu algun pais den Africa cu ta duna nan acceso na dato di patogeno.

Reino ta move pa acelera publicacion di tratadonan internacional



(Curaçaochronicle) - Publicacion di tratadonan internacional den Reino di Hulanda lo bira mas lihe y sin problema, despues di un propuesta di enmienda na Ley di Reino (rijkswet) cu ta regula aprobacion y publicacion di tratadonan.

Minister di Asunto Exterior Hulandes, Caspar Veldkamp, a anuncia cu gobierno tin intencion pa formalisa practica actual di publicacion acelera, mientras tambe reconoce Verdragenbank como un fuente publico oficial.

Segun minister, e luganan actual pa publica tratadonan a bira desactualisa pa motibo di digitalisacion di documento oficial. Den practica, tratadonan ya ta ser pone disponibel casi inmediatamente online via Tractatenblad, haci retrasonan largo innecesario.

E enmienda proponi lo corta y standarisa periodo di publicacion, aliniando proceduranan legal cu practica digital actual. Den hopi caso, publicacion mas lihe ya a ser aplica, particularmente pa tratadonan cu ta drenta na vigor mesora despues di firma. E legislacion

nobo tin como meta pa duna e metodo aki un base legal formal.

Un componente clave di e reforma ta reconocimiento formal di Verdragenbank como un fuente oficial y publico accesibel pa informacion di tratadonan. E cambio aki ta enfatisa accesibilidad digital y lo mehora acceso na informacion pa ciudadano y institucionnan den tur parti di Reino, incluyendo Corsou y region Caribe.

E cambionan no lo afecta momento ora tratadonan ta drenta na vigor, pasobra esaki ta sigui ser determina pa condicionnan di cada acuerdo individual.

Pa paisnan y teritorio di Caribe den Reino, impacto principal lo ta acceso mas lihe na informacion di tratadonan, sin dependencia di proceduranan tradicional cu ta dura mas. Oficialnan ta bisa cu e reforma ta parti di un esfuerzo mas amplio pa modernisa gobernacion y segura transparencia den un ambiente cada biaha mas digital.

Homber condena na prison pa contrabanda di cocaina na aeropuerto di Corsou

(Curacaochronicle) - Un homber di 52 aña di Corsou a ser condena pa prison pa contrabanda di cocaina via aeropuerto, despues di su detencion durante un inspeccion di ekipahe pa un vuelo pa Hulanda.

Corte a impone un condena di 24 luna, di cual 8 luna ta condicional, cu un periodo di prueba di tres aña.

E homber a ser detene despues cu oficialnan di aduana a identifica un maleta sospechoso cu tabata parece extraordinariamente pisa. Durante inspeccion, oficialnan a descubri dos paki cu ta contene un total di 1.658 gram di cocaina.

Durante proceso, e acusado a declara cu el a cay den prob-



lema financiero serio pa motibo di adiccion na cocaina y wega di casino. El a bisa cu el a perde su famia, cas y pertenencianan personal, y cu un persona a acerca e den un casino cu despues a pidi e pa transporta e maleta den cambio di placa.

Ministerio Publico (OM) a rechasa e splicacion aki como poco convincente, notando

cu sospechoso no tabata capaz di provee informacion claro of verificabel tocante e persona cu supuestamente a reclut'e.

Corte finalmente a determina cu e cargo di contrabanda a ser proba y a impone e condena di acuerdo na esaki, enfatisando e gravedad di trafico di droga via aeropuerto di e isla.

Corsou ta enfrenta un decision clave mientras ley di Reino ta core riesgo di caduca na 2028



(Curaçaochronicle) - Corsou ta ser pidi pa tuma un posicion riba legislacion nobo di Reino cu tin como meta preveni cu varios regulacion importante caduca automaticamente riba 1 di januari 2028.

E propuesta, ya manda pa parlamento den Reino do Hulanda pa medio di Consejo di Minister di Reino, ta sigui un enmienda haci na 2024. E cambio ey ta exige cu regulacionnan cu ta afecta ciudadano awor mester ta basa den ley formal di Reino.

Como resultado, un cantidad di areglo existente — actualmente basa riba medida general di gobernacion di Reino — lo perde nan validez legal despues di un periodo di transicion di cuatro aña si nan no ta converti oficialmente na ley.

Segun gobierno Hulandes, e legislacion propone no tin como meta introduci politica nobo, sino pa preserva acuerdo existente y cera posibilidad di espacio legal.

Pa Corsou, e implicacionnan ta significativo. Sin accion legislativo, varios areglo importante por desaparece, incluyendo regla tocante organizacion y financiamiento di Red Cross den Reino, otorgacion di medaya pa boluntarianan di seguridad publico, y parti di regulacion maritimo relacona cu certificado di seguridad di barconan.

Ademas, e propuesta ta cubri acuerdo cu a resulta di disolucion di Antias Hulandes, incluyendo areglo riba division di derecho y obligacionnan, restructuracion di debe, y cooperacion den polis y sistema di prison. Base legal pa financiamiento y supervision di Ministerio Publico tambe por ser afecta.


Autoridadnan ta adverti cu falta di accion por conduci na incertidumbre legal y afecta cooperacion den Reino.

E propuesta awor ta pone Corsou den un posicion critico: of sostiene e legislacion pa mantene continuidad, of core riesgo pa laga marco importante caduca den e proximo añanan.



FIND US ON
BONDIA
ARUBA
www.bondia.com

ALSO AVAILABLE ON



Desempleo ta subi na 4.1%, e nivel mas halto den cuater aña

(NLTimes) - Desempleo na Hulanda a subi un poco te na 4.1% na februari, despues di keda sin cambio durante cinco luna, segun CBS Hulanda. E tarifa a keda na 4% for di september pa januari, haciendo esaki e nivel di mas halto mira den cuater aña.

Februari a conoce 416.000 persona desemplea na Hulanda, cu e cifra subiendo cu un averahe di 3.000 pa luna durante e ultimo tres lunan. Fuera di esaki, 3.2 miyon individuo sea no a busca tra-



bao recientemente of no tabata facilmente disponibel pa tuma un trabao.

CBS Hulanda no ta conta e individuonan aki como parti di e forsa laboral. Mayoria di

nan ta cu pensioen of no por traha pa motibo di malesa of discapacidad.

Hasta cu un aumento chikito den desempleo, UWV ta informa cu e cantidad di beneficiarios di WW a baha un poco cu 0.1% na februari, yegando 205.500. Durante e luna, 22.200 beneficio nobo a ser emiti y 22.400 a termina. CBS Hulanda ta señala cu, mescos cu na januari 2026, e total a keda algo mas cu 200.000.

E cantidad di beneficio di

WW ta diferencia hopi den henter e pais. Solamente Groningen y Drenthe a mira caida compara cu aña pasa, cayendo cu 1.7% y 2.8%, respectivamente.

E aumentonan mas grandi for di februari 2025 a tuma luga na Zuid-Holland Centraal (aumento di 18%), Haaglanden (aumento di 16.6%), y Gorinchem (aumento di 16.2%), cu 13 di e 35 regionnan experienciando crecemento riba 10%, segun e oficina di estadistica.

GroenLinks ta gana facilmente eleccion di Consejo di Ciudad di Amsterdam 2026

(NLTimes) - Amsterdam a caba di conta su votonan, y GroenLinks ta e partido mas grandi den e capital despues di e eleccion municipal di diaranson, AT5 ta informa.

GroenLinks a gana dos asiento, treciendo su total na 10. D66 ta na di dos lugar cu 8 asiento, uno mas cu na 2022. PvdA ta sigui cu 7 asiento, dos menos cu na 2022. E coalicion di ciudad, pues, a sali for di e eleccion aki cu un asiento mas cu na 2022.

GroenLinks a haya 17.9% di e votonan, D66 a haya 16.1%, y PvdA a sigura 14.1%.

Fuera di e intercambio di asiento entre e partidonan di coalicion, masha poco a cambia den e reparticion di Consejo di Ciudad di Amsterdam den e eleccion di diaranson. VVD a ricibi 10.9% di e votonan, sigurando 6 asiento, un mas cu na 2022.

PvdD (2), JA21 (2), Volt (2), DENK (2), CDA (1), y FvD (1) tur a retene e asientonan cu nan tabatin. SP y BIJ1 tur dos a perde un asiento. SP ta abao cu un asiento. BIJ1 tin dos asiento, pero a drenta e eleccion cu 0 asiento. E partido a gana 3 asiento na 2022, pero a perde nan ora miembronan di consejo a separa



for di e partido. E partidonan cu a sali for di e split-off aki - Partij voor Morgen y De Vonk - no a gana ningun asiento.

GroenLinks y PvdA a participa separa na Amsterdam den

e eleccion di diaranson, pero tin plania pa drenta e Consejo di Ciudad como un solo partido. Nan a celebra conhuntamente e resultadonan di eleccion diaranson anochi. "Un tercera parti di e ciudad a vota pa nos," e candidato

principal di PvdA Sofyan Mbarki a bisa AT5. E candidato principal di GroenLinks, Zita Pels, a agrega: "Amsterdam tabata di isquierda, ta di isquierda, y lo keda di isquierda!"


E candidato principal di D66 Melanie van der Horst tabata "extremadamente contento" pa e di dos lugar di su partido. "Nos a crece. Esey ta nifica cu nos optimismo, nos por pusha e ciudad mas dilanti ainda." Van der Horst a bisa cu e ta ansioso pa cuminsa comborsacionnan cu GroenLinks y PvdA pa forma un coalicion hunto atrobe.

Hulanda ta baha na di 7 lugar, e posicion di mas abao te ainda, den Rapport Mundial di Felicidad 2026

(NLTimes) - Hulanda ta e di siete pais mas feliz na mundo, segun e Rapport anual di Felicidad Mundial. Di siete lugar ta e posicion mas abao di Hulanda te ainda. Den e ranking di aña pasa, e pais tabata na di cinco lugar, despues di a baha for di e prome cinco e aña anterior.

E prome lugar riba e lista tabata Finlandia atrobe, sigui pa Islandia, Dinamarca y Costa Rica cu puntuacionnan sumamente cerca. Di mesun manera, Suesia y Noruega apenas a supera Hulanda pa di cinco y di seis lugar, respectivamente.

Esey ta nifica cu Hulanda a keda na di siete lugar globalmente, di seis na Europa, y di prome den e categoria di Europa Occidental, incluyendo Austria (19), Belgica (14),



Francia (35), Alemania (17), y Luxemburgo (9). Fuera di Costa Rica, e unico pais di pafu di Europa pa sali den e prome dies tabata Israel, na di ocho lugar. Suisa a tuma e di dies puesto.

Pa e rapport aki, investigadornan di Gallup, e Centro di Investigacion di Bienestar di Oxford, y e Red di Solu-

cionnan pa Desaroyo Sostenibel di Nacionnan Uni a encuesta hende riba nan satisfaccion di bida y a wak factornan cu ta impacta bienestar, manera e producto nacional bruto pa capita, sosten social, expectativa di bida saludabel, libertad, generosidad y corrupcion den un pais. Nan a wak tambe e nivel di generosidad den un pais - cu-

anto hende ta haci donacion na organisacionnan caritativo, boluntario, of yuda hende straño, por ehempel.

Habitantenan di Hulanda a duna nan bida un score di averahe di 7.141 for di 10 aña pasa. Hulanda a score halto den GDP pa capita y generosidad, cu 67% di hende Hulandes indicando cu nan

ta duna na organisacion caritativo.

E investigadornan tambe a wak e relacion entre uso problematico di rednan social (PMSU) y kehonan psicologico bao di hobennan. Nan a haya cu un aumento den PMSU ta conduci na un aumento den kehonan psicologico den e gruponan di edad hoben, pero hobennan mas jong "ta parce di ta mas vulnerabel pa e consecuen- cianan negativo di bienestar di compromiso digital problematico."

E estudio ta señala cu diferente pais ta conecta problemanan di salud mental di hobennan y uso di medianan social na diferente grado, pero Hulanda ta entre e paisnan caminda e asociacion negativo cu PSMU ta mas fuerte.

Brasil a anuncia envio di medicamento y 20.000 tonelada di aros pa Cuba pa alivia crisis

(Infobae) - Brazil a comunica envio di 20.000 tonelada di aros, hunto cu otro cuminda y medicamento pa Cuba, cu obhetivo di mitiga impacto di crisis cu ta afecta e isla.

E envio di cuminda ta realisa via World Food Programme (PMA), segun voceronan di ministerio di Exterior durante un conferencia di prensa.

E envio ta inclui 20.000 tonelada di aros bruto, 150 tonelada di aros procesa, 150 tonelada di bonchi preto y 500 tonelada di lechi den polvo.

Ademas, Brazil a manda un lote di medicamento cu a yega na e isla pa avion "ayera of anteayera", manera a splica secretaria pa Latino America y Caribe di ministerio di Exterior, Gisela Padovan.

"Esaki ta un preocupacion constante di Brazil, wak cu poblacion ta sufri realmente, p'esey nos ta haci varios donacion, sea di medicamento of cuminda," Padovan a declara.

Donacionnan di Brazil ta suma na asistencia manda pa prome delegacion di e "Convoy Nuestra America", cu a



yega na Cuba cu alrededor di cinco tonelada di suministro medico.

E grupo ta compone di 120 representante di 19 pais, 50 asociacion y grupo, 13 movimiento politico y sindicato, y cuatro miembran di Parlamento Europeo, cu suministran proveniente di Rome y Milan, den Italia.

Pa seis aña, Cuba ta pasa pa

un crisis economico y social, cu desde januari a intensifica pa motibo di un bloqueo di petroleo impone pa gobierno di Merca.

Cubanonan ta usa carbon como combustible pa auto Juan Carlos Pino, un mecanico Cubano cu solamente tin educacion secundario, lo por a haya un manera pa evita e bloqueo di petroleo di Merca. Mustrando ingenio Cubano

desaroya despues di decadan an di crisis, Pino, 56 aña, a modifica su Fiat Polski 1980, fabrica na Poland, pa traha cu carbon — un combustible mas barata y mas disponibel cu gasolin desde Washington a para envio di petroleo pa e isla Caribe na januari.

Pino a traha e aparato den su workshop Avocado, un pueblo di 5.000 habitante, situa mas o menos 70 kilo-

metroost di Havana, cu antes tabata prospera danki na un refineria di sucu cu awo ta cera.

Awe, e area ta rondia cu terreno di bestia y mina di piedra unda hombernan ta canabay trabao cu zaag largo riba nan lomba.

Den e ciudad, Pino ta un celebridad cu su Polski di dos cilindro cu ta pasa riba camindanan malo, cu su caracteristico tanki di 60 liter na parti patras.

Pino a construi su sistema completamente for di metal bieu y obheto recicla. E carbon ta ser kima den un tanki di gas modifica, cera cu tapa di un transformador. E filter ta traha cu un bleki di lechi di stainless steel yena cu paña bieuw.

Den un economia debilita, scarsedad ta algo constante den Cuba pa hopi tempo. E situacion aki a bira pio desde cu Merca a corta suministro di petroleo Venezolano y a menasa pa pone tarifa riba cualkier otro pais cu manda combustible pa Cuba.

Diputadonan pro-gobierno di Chile a pidi pa retira candidatura di ex presidente Michelle Bachelet na ONU

(infobae) - Parlamentarionan a critica cu gobierno di Gabriel Boric a lansa su nominacion na final di su mandato y a segura cu "no tin apoyo di tur forsa politico".

Un grupo di diputadonan di Independent Democratic Union (UDI) a presenta un resolucion pa Camara Baha pidi presidente Jose Antonio Kast pa retira candidatura di ex presidente Michelle Bachelet pa Secretaria General di Nacionnan Uni.

Segun legisladoranan, su candidatura "a genera un controversia politico legitimo den nos pais, pasobra tabata un decision adopta di forma unilateral, sin consulta previo ni mayor coordinacion cu gobierno nobo".

Ademas, nan a cualifica como "inapropiado" cu gobierno di Boric a lansa su candidatura na final di su administracion,



algo cu por afecta "apoyo internacional di Chile pa un decision di e magnitud aki".

Segun e comunicado emiti, figura di Bachelet "ta lanta pregunta serio den Chile, considerando balance di su segunda administracion cu a ser marca pa uno di e pio rendimiento economico di decadanan reciente" y a trece

"desaceleracion den inversion, aumento den desempleo y consolidacion di un clima di incertidumbre asocia cu su agenda di reforma".

Pa esey, "no ta coherente pa presenta su figura na mundo como un representacion unificador di Chile, ora cu den un parti significativo di pais ainda tin obhecion profundo

tocante su gestion", nan a argumenta.

Critica riba Frente Amplio Na mes momento, nan a critica partido di Boric, Frente Amplio (FA), cu "prome cu yega na La Moneda, a formula critica fuerte contra e dos administracionnan di ex presidente Bachelet.

Sinembargo, durante gobierno di Boric, a keda evidencia di un acercamento cu e ex presidente, loke ta reforsa percepcion cu su candidatura ta responde mas na afinidad politico y ideologico".

"Politica exterior di Chile mester ser construi riba base di acuerdo amplio y transversal.

Compromete nomber di Chile den un candidatura di perfil haltu, sin apoyo di tur forsa politico, y sin coordinacion cu gobierno entrante, ta debilita e tradicion republicano. Decisionnan cu

ta compromete representacion internacional di nos pais mester ta riba interes general di pueblo Chileno, no riba interes contingente di ningun administracion", nan a conclui.

E proyecto ta firma pa Flor Weisse, Sergio Bobadilla, Daniel Lilayu, Cristobal Martinez, Marlene Perez, Guillermo Ramirez, Natalia Romero, Marco Antonio Sulantay y Hotuiti Teao.

E peticion di diputadonan di UDI ta bin algun dia despues cu Frank Tressler — hefe di Division di Asunto Multilateral di Ministerio di Relaciones Exteriores — a ser promovi, lagando bashi e posicion encarga cu candidatura di Bachelet na ONU, cual awor ta warda decision di presidente Kast, kende lo pronuncia pronto riba e asunto.

Marrero ta defende “humanismo revolucionario” mientras cu negligencia y pobreza ta crece na Cuba

(CiberCuba) - Prome minister Cubano Manuel Marrero Cruz un biaha mas a recurri na retorica ideologico memey di e crisis profundo cu ta azota Cuba, afirmando cu e politicanan di gobierno ta keda “consistente cu e caracter humanista di e Revolucion,” hasta ora negligencia social y pobreza extremo ta aumenta den e pais.

Den un sere di tweet, Marrero a afirma cu “prioridad a ser duna na politicanan social, trabou den comunidad, y monitoreo di cas y individuonan vulnerabel,” specialmente adultonan mayor y mamanan cu tres of mas yiu.

Sinembargo, e declaracionnan aki ta para den contraste fuerte cu e realidad diario di un poblacion cu ta enfrenta scarsez di cuminda, remedi, transporte y servicio basico. Algun hende di edad ainda no tin un vivienda decente despues cu horcan Melissa a asota parti oost di Cuba aña pasa.

E prome minister tambe a defende e supuesto “proteccionnan di trabou y salario,” bisando cu e gobierno ta buscando pa “promove mudansa di trabou of cambionan di carera.”

Den practica, pa hopi Cubano, esaki ta traduci den trabounan precario, salarionan insuficiente, y inflacion cu ta erosiona cualkier entrada, forsendo miles di ciudadano pa sobrevivi den e sector informal of depende di remesa.

Den e sector di transporte, Marrero a reconoce cu e mes-ter a haci “varios ahuste” y a priminti di expande movilidad electrico “di acuerdo cu e recursonan disponibel.”

Sinembargo, e crisis di trans-

porte publico ta keda un di esnan mas visibel den e pais, cu wardanan largo, rutanen no confiabel, y infraestructura deteriorando cu ta afecta trahador y studiantenan particularmente.

Un otro elemento clave di e discurso oficial ta e cambio di responsabilidad pa comunidannan. Marrero a declara cu “tin hopi solucion pa haya na nivel

local” y cu “un por ta hopi util” for di e perspectiva ey.

E narrativa aki, sinembargo, ta revela e inhabilidad di Estado pa responde efectivamente na problemanan structural, delegando e solucion pa un crisis nacional na ciudadanonan sin recurso.

Mientras cu gobierno ta insisti



cu “Cuba no ta stop y ta converti retonan den oportunidadnan,” e realidad ta refleha un deterioro sosteni den condicionnan di bida.

E contraste entre e discurso di “humanismo revolucionario” y e negligencia experiencia pa sectornan grandi di e poblacion ta sigui forma e agenda social riba e isla.

Johnson notary services

NOTICE

Anyone who believes that he is entitled to the following property is hereby requested to contact the undersigned notary before April 20, 2026:

1. On a private land, measuring 148 m2, located at San Nicolas in Aruba, further described in cadastral survey 5R1127/1937, with the thereupon erected dwelling house, locally known as “Bernhardstraat 173”, and
2. On a private land, measuring 132 m2, located at San Nicolas in Aruba, further described in cadastral survey 5R2610/1947, with the thereupon erected dwelling house, locally known as “Prinsenstraat 28”,

both registered at the registrar’s office (hypotheekkantoor) in Aruba in the name of **Nathaniel Archibald**, born in Grenada on April 25th, 1892.

Explanation: the heirs of **James Henry Walters** call on **EXTINCTIVE PRESCRIPTION** and inform that abovementioned property, as a whole, has been in their possession for more than twenty (20) years.

mr. T.R Johnson, LL.M.
Notary
Caya dr. J.E.M. Arends straat 13, unit 1
Telephone: + (297) 280-9950

Like
us on
Facebook

facebook.com/bondianoticia



(AFP)—Popchinan Labubu di China, cu nan djentenan di punta, pronto lo haya bida riba pantaya grandi despues di benta masivo for di rekinan di tienda, unda fabricante Pop Mart a anuncia un colaboracion cu Sony Pictures.

E pelicula, cual ainda ta den etapa tempran di desaroyo, lo presenta e monstrosnan di peluche cu djentenan den un “mescla di live-action y CGI,” Pop Mart basa na Beijing a bisa diahuebs.

Crea na 2015 pa artista di Hong Kong Kasing Lung, Labubu a bira popular nuebe aña despues, cu e charmanan “mahos-pero-cute” decorando carteranan di celebridad manera Rihanna y Dua Lipa y causando filanan grandi na tiendanan di Pop Mart rond mundo.

Vivian Jia, un turista Canades cu tabata bishitando e tienda principal di Pop Mart na Shanghai, a bisa cu e ta spera pa mira e pelicula di Labubu hunto cu su yunan.

Creadornan di Labubu ta spera di por trece e popchinan riba pantaya grandi

“Mi ta pensa cu nan ta hopi cute, specialmente esnan cu wowonan cu ta move...e yunan di mi amigonan tambe tur ta gusta (Labubu),” el a bisa AFP.

Jia a bisa cu el a gasta mas cu 400 yuan (\$58) riba un figura di Labubu, cual el a bisa e ta planea di pone den su sala na Vancouver.

E proyecto nobo di pelicula, presenta pa Lung y director Paul King (“Wonka” y “Paddington”) na Paris diahuebs, lo busca pa probecha di e popularidad viral di e popchinan pa trece “e mundo fantastico di Labubu riba pantaya grandi,” Pop Mart a bisa.

E popchinan coleccionable, cual normalmente ta vende pa mas o menos \$40, ta ser lansa den cantidad limita y bendi den “blind box”, cu ta nifica cu cumpradornan no sa exactamente cual modelo nan

lo haya.

Algun figura di Labubu mas raro por alcanza miles di dolar.

Pop Mart a vende mas cu 100 miyon popchi Labubu mundialmente aña pasa, cu oficialnan Chines elogiando e popularidad di e personanhenan como prueba di poder cultural y “soft power” creciente di China.

Nan a bira embahadornan pa un “cool”, China hasta na lugarnan manera Europa y Norte America, unda opinion publico riba Beijing no semper tabata positivo.

Camilla Pinheiro, un fanatico di Pop Mart di Brasil cu a cumpra varios popchi na e tienda na Shanghai, a bisa cu e ta prefera un franquisia di pelicula riba un otro linea di juguete di Pop Mart cu no ta mesun conoci, manera figu-

ranan Peach Riot inspira pa estilo punk.

“E popularidad di (Labubu) tabata un tiki intenso... pa ora nan termina e pelicula, lo ta hopi saturado,” Pinheiro a bisa.

King lo comparti responsabilidad di skirbi e guion cu ganador di premio Tony Steven Levenson.

“E colaboracion entre Pop Mart y Sony Pictures ta marca un momento importante,” Pop Mart a bisa, primintiendo “un experiencia cinematografico unico cu historia creativo, vision artistico y atractivo global duradero.”

E compania awor tin mas cu 600 tienda den mas cu 30 pais y region.

Un fecha di estreno pa e pelicula ainda no a ser anuncia.

Director ta planea pone Val Kilmer back riba pantaya cu yudansa di AI

(AFP)—E strea di cine Mericano fayecido, Val Kilmer, pronto por ta “actuando” atrobe riba pantaya grandi despues cu un director a ricibi permiso

pa usa hermentnan di inteligencia artificial (AI) pa crea su imagen pa un pelicula nobo, segun reportahenan di media diaranson.

Coerte Voorhees a scoge Kilmer, kende a muri aña pasa pa causa di pneumonia despues di añas luchando cu cancer di garganta, pa e pelicula “As Deep as the Grave,”

cu ta trata riba arkeologo pionero Ann Morris, un co-descubridor di civilisacion Anasazi.

Kilmer tabata pa interpreta un sacerdote Catolico cu nomber Fintan.


“E tabata e actor cu mi tabata kier pa e rol aki,” Voorhees a bisa na revista di industria Variety. “E rol a conecta cu su herencia di nativo Mericano y su conexcion y amor pa e region di zuidwest.”

El a bisa cu Kilmer a acepta e proyecto pero despues a bira demasiado malo pa por cuminsa filmacion.

“Mi tabata mirando un call sheet algun dia pasa, y nos tabatin e cla pa graba,” Voorhees a bisa. “E tabata pasando den un momento medico hopi dificil, y e no a por a haci esaki.”

El a bisa cu famia di Kilmer a duna imagennan di video di Kilmer — kende tabata conoci pa mantene un archivo grandi di grabacionnan di diferente momentonan di su bida — cu lo ser usa pa traha e actor AI.

E proyecto lo probablemente ricibi un reaccion cu cautela di hopi hende na Hollywood, unda actornan, escritornan y otro profesionalnan ta preo-



cupa cu AI por reemplasa varios trabao.

AI ya a ser usa cu Kilmer pa e por interpreta un di su rol mas iconico atrobe, e piloto arrogante Iceman, den e sequel di 2022 di e pelicula clasico di añanan 1980 “Top Gun.”

Kilmer, kende a actua den pelicularnan di gran presupuesto y tambe produccionnan independiente durante su carera, tabata un di e actornan fayecido cu a ser honra durante segmento di In Memoriam di ceremonia di Oscar diadomingo pasa.

The Aruba Ports Authority N.V. is publicly tendering:
Repair & Paint Works Roof Sections Terminal 1.
According to the tender document: OPEX PROJECT APA-PFAU-15-25

Short Project Description
The project consists of the following activities:

- Restoring the protective layer of the Main Roof through thorough comprehensive surface preparation and the application of a high-performance, salt-resistant silicone roofing system.
- Fully replacing the deteriorated roofing systems on Canopies A, B, and C with new structural plywood, waterproofing membranes, and UV-resistant coatings, while ensuring watertightness, thermal performance and long-term durability.

The tender documents will be available from **March 23, 2026, up to March 26, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof of transfer in the requesting e-mail. Note that the cut-off time for receipt of request and proof of transfer is **March 26, 2026, at 4:30pm local time**.

Bank Information:
Beneficiary: Aruba Ports Authority N.V.
CMB: 15267105 | Aruba Bank: 128710 | RBC: 7700000030549428
Description: TOR project nr. APA-PFAU-15-25

For additional details of this tender, visit
<https://www.arubaports.com/main/repair-paint-works-roof-sections-terminal-1/>
or scan this QR code.

ARUBA PORTS AUTHORITY NV
ORANJESTAD • BARCADERA



\$21,000
in Cash Prizes

MARCH 1 -28, 2026

WEEKLY CASH PRIZES!

DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Actor Mericano Spacey ta evita huicio nobo cu acuerdo den corte

(AFP)—Actor di Hollywood Kevin Spacey lo evita un huicio nobo despues di yega na un acuerdo pafo di corte cu tres homber cu a inicia un caso civil na Reino Uni acusando e di agresion sexual.

E superstrea di 66 aña di “American Beauty” y serie dramático “House of Cards” semper a nenga cualkier mal conducta.

Actor Ruari Cannon, kende a renuncia su derecho na anonimidad, hunto cu dos otro cu no a haci esaki, a afirma den



e caso civil na Corte Halto di Londres cu Spacey a abusa di nan entre 2000 y 2015 despu-

es cu nan a cera conoci ora e tabata director artistico na teatro Old Vic na Londres.

Hues Christina Lambert anteriormente a dicidi durante un audiencia na november cu e casonan mester tabata ser trata provisionalmente na october e aña aki.

Pero dia 13 di maart el a dicidi cu e proceso mester ser congela, “pasobra e partinan a yega un acuerdo segun termino cu ta estableci den un documento confidencial,” segun un orden di corte revela diaranson pa agencia di noti-

cia Press Association. Lambert no a duna ningun orden tocante gastonan.

Spacey a ser absolvi na 2023 di varios acusacion criminal di agresion sexual presenta pa cuatro homber despues di un huicio na Londres.

Cannon — kende no tabata involucra den e caso di 2023 — tambe a entabla demanda contra teatro Old Vic, pero a yega na un acuerdo pafo di corte mas tempran den luna.

Spacey a gana un Oscar pa Best Supporting Actor na

1996 pa e pelicula “The Usual Suspects” y pa Best Actor na 2000 pa “American Beauty”.

Pero su carera anteriormente briyante a keda afecta pa varios acusacion di delito sexual, cu a sali na cla prome biaha na 2017 como parti di movimiento #MeToo, y cual Spacey semper a nenga.

Na 2022, un corte na New York tambe a descarta un demanda civil di \$40 milyon contra dje relaciona cu mal conducta sexual.

Ganador di Oscar Sean Penn ta bishita tropanan na frente na Ucrania

(AFP)—Actor Mericano Sean Penn a bishita tropanan na frente na Ucrania, segun imagennan publica diaranson, den e ultimo aparicion di un bishita sorpresa na e pais afecta pa guerra despues cu e no a asisti e ceremonia di Oscar diaranson.

Imagennan publica pa e 157th Separate Mechanized Brigade di Ucrania a mostra e ganador di Oscar para dilanti di un señal di Sloviansk, un ciudad Ucrainiano cu ta mas o menos 20 kilometro for di e frente cu Rusia, y tambe reuni cu soldadnan y firmando

un autografo na un sitio cu no a ser revela.

E superstrea di 65 aña di “Mystic River” a gana e Oscar pa Best Supporting Actor den comedia distopico “One Battle After Another” pero notablemente no tabata presente na ceremonia di Hollywood diadomingo pasa.

“Sean Penn, despues di salta e ceremonia di Oscar y yega Ucrania, personalmente a bishita un unidad di combate di e 157th Separate Mechanized Brigade, cual ta cumpli misionnan di combate den sector di Donetsk,” e brigada

a bisa riba Facebook.

“Encuentronan manera esaki ta inspira y ta recorda nos cu hasta den e momentonan mas dificil nos no ta nos so, y cu nos curashi lo no ta desapercibi,” el a agrega.

E brigada tambe a publica un potret cu ta mostra Penn sin ta hunto cu Andriy Yermak, ex-hefe di gabinete di presidente Ucrainiano Volodymyr Zelensky, kende a ser kita for di su puesto aña pasa en medio di un investigacion di corrupcion.

Penn ta un defensor vocal



di Ucrania y a bishita e pais varios biaha desde cu Rusia a invadi, incluyendo pa codirigi un documental riba Zelensky, kende e ta yama su

amigo.

Potret di AFP, regala pa 157th Separate Mechanized Brigade.

Zara ta forma asociacion cu diseñador Britanico John Galliano

(AFP)—Tienda di moda Spañol Zara a anuncia diaranson cu el a drenta un “asociacion artistico” di dos aña cu diseñador Britanico controversial John Galliano.

E diseñador di 65 aña lo reconfigura piezanan di coleccionnan anterior di Zara pa crea diseñonan nobo, e compania a bisa den un declaracion.

“Guiando pa un proceso y enfoke di ‘haute couture’, e coleccionnan lo ser presenta cada temporada durante e duracion di e asociacion, cuminsando na september 2026,” el a agrega sin duna mas detaye.

Zara ta pertenece na Inditex, e bendedor di moda barata mas grandi di mundo cu a registra un ganashi anual record na 2025 pa tercer aña consecutivo.

“Pa entrega moda via e plataforma enorme ey — naturalmente, esaki ta emocionante. Y pa por traha cu e tipo di recurso cu nan tin, esaki ta mesun emocionante,” Galliano a bisa na revista di moda Vogue.

Galliano, kende anteriormente tabata hefe creativo na Givenchy y Christian Dior, a bisti hopi celebridad durante su carera, incluyendo Kim Kardashian, Katy Perry y Ze-

ndaya pa eventonan di alfombra cora.

Conoci pa su personalidad yamativo y diseñonan atrevido, e carera di Galliano a sufrir un atraso dramático na 2011 despues di un incidente den un bar na Paris unda e, bao influencia di alcohol, a tira insultonan antisemitico y racista na otro clientenan.

Despues, el a ser despedi di Dior, a sigui rehabilitacion na Suisa y a pidi disculpa pa su comportamiento durante un bishita na e Sinagogo Central na Londres.

Galliano, naci na Gibraltar, a



bolbe mundo di moda na 2014 ora el a uni cu marca Frances Maison Margiela como director creativo, un posicion cu el a tene te 2024.

Mirando cu bendedornan di

moda manera Shein ta gana participacion den segmento mas barata di mercado, Zara a cuminsa atrai cumpradornan mas exigente y a ofrece paña mas caro den e ultimo añanan.

Atleta Hulandes di alto nivel den centro di caso di abuso sexual di menornan



(NLTimes)—Un homber di 35 aña cu tabata activo den region di Groningen como un hungador di volleyball di alto nivel ta sospecha di abusa sexualmente di un mucha di 10 aña, fiscalnan a bisa den corte diaranson. Investigadornan ta kere cu e tambe a acerca decenas, si no centenares, di muchanan riba Snapchat, posiblemente involvi den combersacionnan di naturaleza sexual of abusivo cu nan.

Poco informacion oficial a ser confirma tocante e identidat di e homber fuera di su edad, pero media ta kere cu e ta nativo di Amsterdam, Ramon M.G. Autoridadnan ta sospecha cu el a tene mas o menos 500 combersacion potencialmente criminal cu muchanan di edad entre 8 y 17 aña riba Snapchat, RTV Noord a reporta despues di e prome audiencia publico contra e homber na Corte di Distrito di Groningen.

Te awor, polis a identifica tres victima, incluyendo e mucha di 10 aña cu a ser abusa sexualmente dia 1 di juni 2024 na Hoogkerk, Groningen. Segun De Telegraaf, M.G. ta acusa di participacion den “un of mas acto sexual,” incluyendo contacto cu genitalnan di e mucha. Supuestamente el a tene combersacionnan sexual online cu dos otro, incluyendo un mucha di nueve aña for di Kollum, Friesland. Su mayornan a contacta polis tocante e asunto.

OM actualmente ta pensa cu lo por confirma cu e homber a purba groom of tene chatnan sexualisa cu alrededor di 75 muchanan, cu ta data for di comienso di 2023 y a continua te su aresto. Inves-

tigadornan a examina dos di su telefonnan y a descubi e combersacionnan cu muchanan.

Autoridadnan tambe a haya imagennan di abuso sexual di mucha riba dispositivonan, incluyendo contenido cu posiblemente e mes a produci, OM a bisa. Algun di e material aki ta for di 2019, De Telegraaf a reporta. Investigacion riba su dispositivonan personal ainda ta andando.

M.G. a hunga pa Lycurgus Groningen durante temporada 2023-2024, y a hunga cu club di Apeldoorn Draisma/Dynamo den e temporadan an prome y despues. Lycurgus ta mas o menos 10 kilometro for di Hoogkerk y 35 kilometro for di Kollum.

Ramon M.G. a sali den noticia como probablemente e prome atleta profesional abiertamente homosexual na Hulanda. Tambe ta pensa cu e tabata e prome deportista profesional abiertamente gay na Belgica, unda el a hunga pa Prefaxis Menen na 2014, na Grecia cu PAOK Thessaloniki na 2017 y despues cu Iraklis V.C., y na Francia unda e tabata activo cu Spacer's Toulouse na 2018 y Cambrai Volleyball tres aña despues.

OM a duna poco informacion riba e caso. Esaki parcialmente pasobra no tur victima a ser identifica ainda. OM tampoco a confronta e sospechoso cu e descubrimentonan ainda, ni a interog'e riba esaki.

E sospechoso a ser deteni preventivamente y lo pasa pa un evaluacion psiquiatrico pronto. E investigacion ainda ta andando. E siguiente audiencia preliminar ta programa pa 21 di mei.

Plan di expansion di Wimbledon ta ricibi apoyo legal importante

(AFP)—Plan controversial di expansion di Wimbledon a ricibi un impulso importante diahuebs despues cu un hues na Corte Halto di Londres a dicidi cu e desaroyo proponi di e tereno actual no ta suheto na restriccionnan riba con e tereno por ser usa.

Oficialnan di e All England Club, cual ta propietario di Wimbledon y cu ta organisa e torneo ey desde 1877, kier triplica grandura di e tereno pa e Grand Slam riba cancha di yerba.

E propuestanan lo inclui construccion di 38 cancha nobo di tennis y un stadion cu capacidad pa 8.000 hende riba tereno di e antiguo Wimbledon Park Golf Club, loke lo permiti pa organisa e clasificatorionan di All England Club mesora na e lugar en bes di otro banda di Zuid Londres na Roehampton.

Plannan di Wimbledon a ser aproba pa Greater London Authority (GLA) na 2024.

Sinembargo, grupo di campana Save Wimbledon Park (SWP) a bisa na Corte Halto na januari cu un fondo legal ta existi bao ley di Siglo 19, cu ta nifica cu e tereno mester ser usa “pa paseo publico of area di recreacion,” y p'esey e

desaroyo no por sigui.

Abogadonan di e club a argumenta cu e tereno nunca tabata suheto na un fondo y, si e tabata, esaki no a sigui existi despues cu e club a compra e propiedad completo na 1993.

Hues Thompsell a desde diahuebs cu e tereno “nunca a ser destina pa uso recreativo publico” y mas bien “a ser usa como un club di golf priva,” agregando cu e All England Club no ta limita pa ningun fondo legal.

El a bisa: “Nunca el a bira suheto di un fondo legal y p'esey e contrato di huur di 1986 y e transferencia di propiedad na 1993 a tuma laga sin tal obligacion.

“Hasta si esaki no ta corecto, ta cla cu e tereno nunca a ser usa of prepara pa recreacion publico.”

SWP anteriormente a perde un caso na Corte Halto contra e decision di aproba e plan na juli aña pasa, pero despues a ricibi permiso pa apela e veredicto na Corte di Apelacion, cu lo ser trata mas despues.

E grupo a bisa cu nan tambe lo purba apela veredicto di diahuebs na Corte di Apelacion, considerando e “asuntonan legal di importancia

nacional” involucra den e caso.

Jeremy Hudson, un director di SWP, a bisa: “Wimbledon por haci miho, pasobra tin plan alternativo existente cu ta muestra cu nan skema por ser implementa riba e tereno actual.”

Debbie Jevans, presidente di All England Club, a aplaudi e decision, bisando: “E veredicto ta representa un paso importante pa nos plannan, cu ademas di crea 27 acre di parke publico nobo riba tereno anteriormente priva, e lo permiti nos mantene e posicion di Wimbledon como un di e eventonan deportivo mas exitoso di mundo.

“Organisa nos torneo clasificatorio na SW19 lo pone nos na linea cu e otro Grand Slams, y door di amplia facilidadnan di practica pa e miho hungadornan di mundo, nos lo atrae fanaticonan aun mas na e deporte.”

Edicion 2025 di Wimbledon — e ultimo di e cuatro Grand Slams di tennis cu ta tuma laga riba yerba — a mira Jan-nik Sinner gana e titulo masculino y Iga Swiatek gana e trofeo femenino.

Wimbledon di e aña aki ta cuminsa dia 29 di juni.



Corea di Norte y Filipinas ta clasifica pa Mundial Femenino 2027

(AFP)—Corea di Norte a logra clasifica pa su prome Mundial Femenino desde 2011 diahuebs, cu Filipinas tambe sigurando un lugar na e torneo mundial na Brasil proximo año.

Corea a gana Taiwan cu 4-0 na Gold Coast na Australia den un playoff di Copa Asia entre e ekiponan cu a perde den cuarto finalnan.

Mediocampista Hong Song-Ok a marca un hat-trick, mientras Kim Kyong-Yong a agrega e cuarto gol pa sigura un victoria contundente.

Filipinas a vence Uzbekistan cu 2-0, cu Angela Beard anotando cu un volley na di 47 minuut y Jaclyn Sawicki agregando un otro cinco minuut



despues pa sigura nan clasificacion pa solamente e segunda biaha.

Australia, China, Hapon y Corea di Sur tambe a clasifica pa Brasil, danki na nan pres-

encia den semifinal di Copa Asia.

Corea di Norte, posiciona number 10 mundialmente — y actualmente campeon di Mundial U17 y U20 — lo

participa na su di cinco Mundial mayor, pero e prome den 16 año.

Despues di participa den cuatro edicion consecutivo desde 1999, nan a ser sanciona y prohibi di torneo di 2015 pa un scandal di doping, y despues no a logra clasifica cuatro año despues.

Nan a retira di e ultimo Mundial pa motibo di lockdown boluntario pa Covid, sin ningun wega entre 2019 y 2023 pa motibo di pandemia.

Filipinas, posiciona number 40 mundialmente, a muestra progreso den e ultimo añan an bao entrenador Australiano Mark Torcaso, ganando oro na Weganan di Zuidoost Asia año pasa.

Nan a participa den Mundial pa prome biaha na 2023, cual a ser co-organisa pa Australia y Nueva Zelanda.

E tempo ey, bao liderazgo di otro entrenador Australiano Alen Stajcic, nan a gana un wega y a perde dos pa termina ultimo den nan grupo.

Uzbekistan nunca a participa den un Mundial y Taiwan solamente un biaha, na 1991.

Ainda nan tin un ultimo oportunidad pa clasifica via playoff inter-confederacion, cu lo ofrece dos puesto adicional.

Australia y Hapon lo enfrenta otro den final di Copa Asia diasabra.

India lo organisa campeonato mundial di atletismo paden na 2028

(AFP)—Estado oriental di Odisha na India lo organisa e campeonato mundial di atletismo paden na 2028, presidente di World Athletics, Sebastian Coe, a anuncia diahuebs.

“Conseho di World Athletics awe mainta a otorga e siguiente dos edicionnan di e evento, e campeonato mundial paden, na Odisha, India na 2028 y na Astana, Kazakhstan na 2030,” Coe a bisa prome cu e mundial paden na Torun, Polonia.

“E futuro di e campeonato

mundial di atletismo paden ta muestra briyante y sigur.” Seleccion di Odisha, anteriormente conoci como Orissa, ta e prome biaha cu e pais cu un poblacion mas grandi di mundo ta organisa un evento grandi di World Athletics.

Ciudad di Bhubaneswar na Odisha ta cas di compleho di stadion Kalinga, cual tin un stadion paden.

Amdavad, e ciudad tambe conoci como Ahmedabad — den estado natal di prome minister Narendra Modi, Gujarat — ya a ser confirma



como ciudad anfitrión pa e Weganan di Mancomunidad 2030, cu lo inclui un programa completo di atletismo. Esaki ta ser mira ampliamente como un paso pa

presenta candidatura pa organisa e Olimpiada 2036, y pa elimina recuerdo di e Weganan di Mancomunidad 2010 na New Delhi — un evento marca pa retrasonan den

construccion, infraestructura inferior y acusacionnan di corrupcion.

Ora a confirma Amdavad pa e Mancomunidad, Coe a bisa e tempo ey cu India tabata “mustrand interest caba pa organisa evento global grandi di atletismo, y tin aspiracion a largo plazo pa organisa un Campeonato Mundial di Atletismo — y algun dia e Weganan Olimpico.”

Coe a bisa cu esaki ta un “señal poderoso di un nacion cu ta pensa grandi riba su futuro deportivo.”

Regla nobo di FIFA ta aumenta oportunidad pa entrenadornan femenino

(AFP)—Tur ekipo cu ta participa den torneo femenino organisa pa FIFA lo mester tin un entrenador principal femenino of asistente femenino despues cu e organismo di futbol a pasa un regulacionnan historico na su reunion di conseho diahuebs.

E cambio ta aplica pa tur torneo hubenil y mayor, competencianan di seleccion nacional y competencianan di club, y lo debut na Mundial Femenino U20 na Polonia na september.

E lo tambe ser usa na e segunda edicion di e Champions Cup femenino, e Mundial 2027 na Brasil y e prome Mundial di Club femenino den dos año.

Den su declaracion, FIFA

a bisa cu e iniciativa ta parti di su strategia mas amplio “pa sigura cu e crecimiento rapido di futbol femenino ta acompaña pa un representacion mas grandi di muhernan den rol tecnico y di liderazgo.”

A pesar di crecimiento di futbol femenino, posicionnan di entrenador ainda ta mayormente ocupa pa hombernan: na Mundial Femenino 2023 apenas 12 di e 32 entrenador principal tabata muher.

“Simplemente no tin suficiente muher den entrenamiento awe,” Jill Ellis, hefe di futbol di FIFA y ex-entrenador di seleccion nacional di Merca, a bisa.

“Nos mester haci mas pa accelera cambio door di crea camindanan mas cla, amplia

oportunidadnan y aumenta visibilidad pa muhernan na banda di veld.

“E regulacionnan nobo di FIFA, hunto cu programanan di desaroyo enfoca, ta marca

un inversion importante den e generacion actual y futuro di entrenadornan femenino.”

E regulacionnan nobo tambe lo exige por lo menos dos miembro femenino riba e

banki, incluyendo e entrenador obligatorio.

Ekiponan tambe lo mester tin por lo menos un muher den nan personal medico.



Compania di Jeff Bezos y NASA ta uni pa detecta y desvia asteroidenan peligroso

(Infobae) - Blue Origin, e compania espacial funda pa Jeff Bezos, a establece un aliansa strategico cu NASA y California Institute of Technology pa desaroya un plataforma capaz di proteha Tera contra posible impacto di asteroidenan.

E proyecto, yama e mision Near-Earth Object Hunter (NEO Hunter), ta busca pa integra tecnologia di defensa planetario den e plataforma modular Blue Ring, combinando tecnica avansa di scan, caracterisacion y desviacion di obheto espacial.

Blue Ring y e mision NEO Hunter: tecnologia pa defensa planetario
Colaboracion entre Blue Origin, NASA y e laboratorio Jet Propulsion Laboratory di Caltech tin como obhetivo principal ekipa Blue Ring cu capacidad di defensa contra asteroide.

Blue Ring ta un satellite modular cu por carga te 4.000 kilo



di ekipahe y opera den orbita baha di Tera, orbita geostacionario y hasta den espacionan cislunar of misionnan na Mars.

E mision NEO Hunter lo usa un combinacion di nanosatelitenan y tecnologia di propulsion ionico. Den prome fase, un grupo di satellite chikito lo ser desplega pa intercepta y analisa asteroidenan potencialmente peligroso, evaluando nan composicion, masa y densidad. E informacion aki ta permiti scoge e strategia mas efectivo pa cambia trayecto di e obheto.

Un di e metodo notable ta uso di un beam ionico poderoso, capaz di tira particulanan carga riba e asteroide pa modifica su orbita, un tecnica inspira pa funcionamiento di motor di propulsion ionico usa den sonda manera DART.

Mas leu di defensa planetario: aplicacionnan y contexto
Ademas di su rol den defensa planetario, Blue Ring a ser diseña pa otro uso, manera orbita di telecomunicacion na Marte of transporte di sensornan avansa. Su prome mision comercial tabata lanzamiento di un sensor di Scout Space

pa vigilancia orbital.

Interes creciente den proteccion contra obheto cercano na Tera ta responde na eventonan reciente, manera impacto di un meteorito na Alemania y paso ocasional di asteroidenan entre Tera y Luna.

Malgrado progreso den identificacion y catalogacion di asteroidenan peligroso, te na awor no tin ningun menasa serio y inminente pa nos planeta, segun registro di comunidad astronomico internacional.

Blue Origin: compania espacial di Bezos cu ta compiti cu SpaceX

Blue Origin ta un compania priva Mericano dedica na sector aeroespacial. Funda na 2000 pa Jeff Bezos, creador di Amazon, e compania a posiciona su mes, hunto cu SpaceX di Elon Musk, como uno di e protagonista di e nobo carera espacial priva.

Mision di Blue Origin ta pa

fabrica rocketnan y ofrece servicio di vuelo espacial. Segun Bezos, su vision a largo plaso ta pa reduci costo di viahe pa espacio usando vehiculonan reutilisabel, cu meta cu den futuro miyones di hende por biba y traha den espacio, contribuyendo asina na preservacion di recurso di Tera.

Entre e proyecto mas notable di Blue Origin tin turismo espacial cu rocket New Shepard. E vehiculo aki ta haci vuelo suborbital, yega limite di espacio na mas o menos 100 kilometer halto, permitiendo turista y investigador experiencia gravedad cero pa algun minuut antes di bolbe na Tera den un capsula cu paracaida.

Otro desaroyo grandi ta rocket orbital pesao New Glenn, diseña pa compiti cu Falcon Heavy y Starship. Su meta ta pone satellite comercial y infraestructura pisa den orbita di Tera, usando un prome etapa reutilisabel cu ta aterisa despues di cada mision.

Cual ta e sistema di computacion cu Nvidia kier usa pa construi centro di data den espacio

(Infobae) - Cu Vera Rubin Space-1, su modulo di computacion nobo, Nvidia ta busca pa hiba computacion di inteligencia artificial mas leu di planeta Tera.

Nvidia a presenta su iniciativa pa hiba computacion acelera mas leu di Tera. Cu Vera Rubin Space-1, e compania ta busca pa pone fundacion pa centro di data orbital cu por procesa volumen grandi di dato den tempo real, cu fin di elimina dependencia di comunicacion cu servidornan terestre y habri posibilidadnan nobo pa industria espacial y desaroyo di inteligencia artificial afo di planeta.

Vera Rubin Space-1: apu-esta di Nvidia pa orbita

Vera Rubin Space-1 ta un modulo di computacion special diseña pa misionnan espacial y aplicacionnan di satellite, cu meta di permiti centro di data den orbita. E sistema ta combina plataforma IGX Thor y Hetson Orin, ofreciendo mas poder di computacion cu Nvidia H100, uno di e nucleonan



mas avansa riba mercado.

E arkitektura aki ta permiti cu tareanan di procesamiento di inteligencia artificial ser ehecuta directamente den espacio, reduci latencia y necesidad pa manda dato back na Tera pa analisis.

E propuesta ta surgi den un contexto di demanda creciente pa procesamiento di dato genera pa satelitenan y constelacionnan espacial. Segun CEO di Nvidia, Jensen Huang, “computacion espacial, e ultimo frontera, a

yega”, resaltando importancia di inteligencia artificial operando unda informacion ta ser genera. Companianan manera Axiom Space, Planet Labs, Sophia Space y Starcloud ya ta integra procesador di Nvidia den nan sistema, anticipando transicion pa infraestructura orbital mas autonomo y eficiente.

Desafionan tecnico

Un di e desafio mas grandi pa implementa data centers den espacio ta disipacion di calor. Mientras sistema riba Tera ta usa conduccion y conveccion

pa friamento, den bashi di espacio solamente radiacion ta posibel.

Huang a reconoce durante conferencia GTC 2026 cu “nos mester haya un manera pa fria e sistemanan den espacio, pero nos tin hopi ingeniero bon trahando riba esaki”.

Modulonan di Nvidia ta diseña pa opera den ambiente cu restriccio di tamaño, peso y consumo di energia, condicionnan esencial pa aplicacionnan espacial. Sinembargo, infraestructura necesario pa sostene e sistemanan ainda ta den desaroyo, y factor manera scarsedad y costo halto di lansamento espacial ta representa obstaculo significativo.

Ainda asina, industria tecnologico ta mira cu interes posibilidad pa aprobecha energia solar limita den orbita, cual por reduci impacto ambiental y costo di energia asocia cu centro di data terestre.

Competencia den carera pa computacion espacial

Anuncio di Nvidia ta coincide cu un aceleracion global den investigacion y desaroyo di data centers den espacio. Na november, Google a presenta proyecto “Suncatcher”, enfoca riba concepto di computacion den espacio.

Na mes momento, SpaceX recientemente a cumpra xAI pa 1,25 biyon dollar, cu meta di construi centro di data orbital y consolida su posicion como uno di e cliente mas grandi di Nvidia. SpaceX hasta a pidi aprobacion di Federal Communications Commission pa lansa un miyon satellite pa centronan di inteligencia artificial, un propuesta cu a atrae critica pa su posible impacto ambiental.

Malgrado e desafionan y fase experimental di tecnologia manera Vera Rubin Space-1, tendencia ta claro: grandi companianan tecnologico ta comprometi pa move parti di infraestructura critico di inteligencia artificial afo di planeta, buscando mas autonomia, velocidad di procesamiento y eficiencia energetico pa decadanan binidero.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Accidente fatal pa un porco cu a core crusa caminda na Savaneta



Diahuebs mainta a drenta informe di un accidente banda di Marinier-skazerne na Savaneta, mesora a dirigi un patruya na e sitio.

Na yegada di e patruya a bin compronde cu un chauffeur a bay desvia pa un porco grandi cu a crusa caminda rapidamente pero e porco a bay na e mesun direccion di e auto y e auto a bay dal e porco y un cura di cas.

E impacto tabata fatal pa e porco.

Chauffeur a basha cura di cas abao despues di a dal 2 palo di luz

Diahuebs mainta a drenta informe di un accidente cu hende herida na Jaburibari, mesora a dirigi un patruya y un ambulance na e sitio.

Na yegada di e patruya a bin compronde cu aki ta trata di un trahador di mantencion di piscina cu pa un motibo of otro a bay dal 2 palo di luz y a sigui bay dal y a basha cura di un cas na Jaburibari abao. Na yegada di e ambulance nan a atende e victima na e sitio mes.




Menasa na ora di parkeer auto na Panaderia na Tarabana



Diahuebs mainta a drenta informe di un caso di menasa na un panaderia na Tarabana, mesora a dirigi un patruya na e sitio.

Na yegada di e patruya a bin compronde cu aki ta trata di 2 persona di nacionalidad stranhero a menasa un dama ora di bay parkeer unda a menasa e dama di e S.U.V. Polis a tuma e keho y lo sigui cu e investigacion.



Slovenia ta pidi EU investiga acusacion di interferencia den eleccion

(AFP)—Prome minister di Slovenia a pidi Union Europeo (EU) diahuebs pa investiga acusacion di interferencia den eleccion despues cu video graba den secreto a ser publica prome cu eleccion parlamentario e weekend aki.

E caso na Slovenia ta e ultimo cu ta aumentando preocupacion cu crecemento di red social y inteligencia artificial por hacie posible pa actornan externo influencia eleccion den democracia.

Liberalnan di prome minister Robert Golob ta den un competencia cerca cu conservativonan di ex-prome minister nacionalista Janez Jansa, kende Golob a derota cuater aña pasa.

Den e simannan prome cu



eleccion riba 22 di maart, un serie di combersacion graba den secreto a ser publica, cual ta muestra un lobbyista Sloveno, un abogado, un ex-minister y un gerente.

E videonan supuestamente ta muestra e oficialnan sugeriendo maneranan pa influencia

esnan cu ta tuma decision den gobierno di coalicion centro-izquierda di Golob pa asina acelera procedemento of logra contratonan.

Un grupo di derecho humano di Slovenia, hunto cu un periodista investigativo y dos investigador, a bisa dialuna cu

un compania di inteligencia Israeli, Black Cube, tabata tras di e videonan y cu e compania tin conexion cu e partido Slovenian Democratic Party (SDS) di Jansa.

SDS a rechasa e acusacionnan, bisando den un declaracion cu nan nunca a tende di Black Cube.

Mas tempran den siman, minister di Asunto Exterior di Slovenia, Tanja Fajon, a critica e videonan como “un atake directo contra nos soberania.”

Durante un cumbre di EU na Bruselas diahuebs, Golob a haci yamado na e bloc pa investiga e asunto. “Mi ta pidi na e Comision pa investiga e reportahenan y referi e caso na e Centro Europeo pa Resiliencia Democratico pa un

evaluacion inmediato di e menasa,” el a bisa.

Presidente di Francia, Emmanuel Macron, a bisa cu Golob “tabata victima di interferencia” pa “tercer paisnan” y desinformacion.

“Awe, den cada eleccion na Europa, tin interferencia cu ta stroba e proceso electoral,” Macron a bisa, pidiendo pa e checutivo di EU presenta un guia riba con pa combati e interferencia.

Francia kier pa EU obliga rednan social y otro plataforma pa evalua y “mitiga e riesgonan sistematico pa loke ta trata cuentanan falso, contenido ilegal, contenido cu a ser altera of genera pa inteligencia artificial, y publicidad politico,” presidencia Frances a bisa den un declaracion.

Supuesto red pedofilo Senegal-Francia tabata enfoca riba studiantenan di scol Coranico

(AFP)—Casi 20 sospecho a ser acusa na Senegal y Francia den un investigacion riba un presunto red internacional di pedofilia, unda miembronan tabata enfoca riba studiantenan di scol Coranico y tabata comparti imagen di abuso sexual di mucha.

Ta alega cu e red tabata lidera pa un empresario Frances, y a ser desmantela na februari.

Diescuatro persona Senegales, naci entre 1976 y 2006, a ser acusa y manda prison na comienso di februari na Dakar, entre otro pa “pedofilia, corrupcion di muchanan menor di edad y transmision intencional di AIDS”.

Un otro sospechoso a huy bay Merca, segun fuentenan cerca di e caso na Senegal cu a papia cu AFP.

Nan ta sospecha di pertenece na un red lidera pa un Frances, ken a ser aresta den ciudad Beauvais den norte di Francia na april 2025.

Pierre Robert, un homber di setenta y pico aña, ta ser acusa di lidera e “red transnacional” desde 2017, operando entre Francia, Senegal, Maroco, Mauritania y Mali, segun e mesun fuente.

“Otro paisnan Africano” tambe ta bao investigacion, un fuente Frances a bisa.

Robert ta bao investigacion desde april aña pasa pa trafico humano, proxenetismo y violacion y abuso sexual di menornan di menos cu 15 aña.

E tambe ta bao investigacion pa administra un substancia dañino na un mucha di menos cu 15 aña cu a resulta den mutilacion of discapacidad permanente, y pa incita violacion di un menor, aunke e acto no a tuma lugar.

Robert ta nenga e acusacionnan, y su abogado Antonin Gravelin-Rodriguez a bisa e ta parti di un “narrativa mediatico completamente parcial” alimenta pa fiscalia.

E 14 aresto na Senegal a sigui despues di un denuncia anonimo ricibi na augustus 2024 pa OFMIN, e agencia Frances contra crimennan contra menor.

E informacion a implica Robert, kende ta propietario di varios edificio na Beauvais y tabata un “bishitante regular na Senegal”.

Segun e fuente Senegales, Robert tabata busca pa “recluta muchanan hoben di siete te 13 aña pa explotan den actonan sexual entre homber, specialmente durante fiestanan homosexual organisa den un villa” na Saly Portudal, un ciudad turistico na e costa sur di Dakar.

Complice Frances

Su “blanconan prefera” tabata talibenan, pa via di e situacion precario di e muchanan, segun e fuente. Talibenan ta studiantenan di scol Coranico cu, segun NGO nan, hopi biaha ta obliga di pidi placa riba caya.

E menornan recluta “mester hunga rol di ‘pareha pasivo’” den actonan sexual, segun e mesun fuente.

“Imagennan di mucha involucra den sodomia” a ser haya den intercambio entre Robert y un di e 14 persona aresta, e fuente a bisa.

Ademas di Robert, dos homber ta bao proceso na Paris pa proxenetismo y trafico humano como parti di un grupo organisa, segun fiscalia di Paris.

Un di nan, Adrien Bastard, a “admiti cu el a cumpra videonan sexual explicito di Senegalesnan,” segun e fuente Senegales.

Investigadornan Frances ta consider’e como e “man drechi” di Robert, cu ken el a biah tambe pa Maroco.

Bastard, den su 40 añanan y cu ta traha den transporte di caha di morto, tabatin cierto notoriedad na Francia, unda e tin conexion cu e comunidad di feria y participacion den concurso di beyesa mascu-



lino “Mister Picardie”.

menor di edad”.

E ta nenga tur acusacion, su abogado Reda Ghilaci a bisa AFP, agregando cu el a ser libera na augustus bao supervision hudicial.

E otro homber, den su 60 añanan, tambe a keda bao supervision hudicial desde comienso. Su abogado no a comenta.

Camara y fiesta

Na Senegal, investigadornan a bay Saly pa bishita e cas cu Robert “tabata huur pa organisa fiestanan unda muchanan hoben tabata en contra cu clientenan,” segun e fuente.

Mientras e tabata den custodia, un persona implica a bisa cu Robert a pidie recluta muchanan menor, specialmente entre cinco y dies aña.

E persona a nenga cu el a haci esaki “a pesar di e placa” cu el a bisa el a ricibi, pero a admiti cu el a tene relacion cu muchanan menor di edad, incluyendo un di 13 aña.

Otro a bisa cu el a manda Robert videonan unda e “ta haci sexo cu un mucha

Investigacion a revela conexion entre Robert y “varios ciudadano Senegales identifica via transferencianan di placa”.

Robert tambe ta sospecha di instala camara den un apartamento pa filma “encuentronan sexual” entre hombernan.

E caso di e red pedofilo internacional a sali na luz na Senegal casi mesun tempo cu e aresto di varios homber acusa di “actonan no natural”, un termino usa pa referi na relacion di mesun sexo.

Desde e tempo ey, ta reporta arestonan nobo casi tur dia den prensa Senegales, mientras un ola di homofobia ta pasa den sociedad.

Media frecuentemente a mescla e caso di pedofilia cu aresto di hombernan pa relacion di mesun sexo.

Siman pasa, e Asamblea Nacional di Senegal a aproba un ley cu ta duplica condena di prison pa relacion di mesun sexo.

Muher na Macau hospitalisa despues cu robot humanoide a spant'e

(AFP)—Un muher cu tabata riba un paseo anochi na Macau a keda hospitalisa pa un rato despues cu un robot humanoide a spant'e y a lag'e sinti malo, polis a bisa AFP diaranson.

Polis a bisa cu nan a ricibi un yamada pa asistencia pa e muher, kende "a spanta ora el a nota diripiente un robot tras di dje mientras e tabata usando su celular."

Video cu a ser comparti ampliamente riba red social a mostra e muher confrontando e robot cu rabia mientras e ta move su brasanan metalico, mientras un grupo di hende curioso a reuni rond di dje.

"Cu tanto otro cos pa haci, pakico bo ta molestia ami? Bo ta loco?" e muher a grita na e robot cu no a mostra reaccion,



den idioma Cantonese, mientras el a haci señalnan di agitacion den su direccion.

E muher no a sufri herida y no tabatin contacto fisico cu e robot, pero e tabatin mester di tratamento den hospital, polis a bisa den un declaracion.

"Desde e momento ey el a sali y no a pone ningun denuncia tocante e incidente," cual a pasa mas tempran den luna, e

declaracion a bisa.

Video riba red social a mostra oficialnan di polis guiando e robot cu un apariencia tristo, aunke polis a enfatisa cu nan "no a confisca" e robot.

E robot tabata ser opera pa un homber di Macau den su 50 aña, kende a bisa cu e tabata haciendo un prueba y tabatin intencion pa usa esaki pa promove su negoshi.

Polis a bisa cu nan a record'e pa keda alerta mientras e ta opera e robot pa "evita causa peligro of alarma" na peatonnan den e area.

E robot den e imagennan tabata parece e modelo humanoide fabrica pa compania startup Chines Unitree.

Beijing a anima companianan domestico pa desaroya robot humanoide, cu e meta di lidera industria global di ro-

botica.

E robotnan cada biaha mas avansa aki a mostra cu nan por haci baile coreografia, participa den caredanan y hasta bula patras.

Pero robot totalmente automatico ainda ta incomun, ya cu mayoria di demostracionnan impresionante ta pre-programa of controla remotamente.

Yamado pa agrega campamentonan Nazi na lista di UNESCO

(AFP)—Campamentonan di concentracion Nazi antiguo mester ser agrega na e lista di Patrimonio Mundial di UNESCO, un grupo cu ta preserva e memorialnan a urgi diahuebs, adviertiendo cu "democracia no por ser tuma como algo garantisa mas."



Directornan di memorialnan na campamentonan antiguo incluyendo Dachau, Buchenwald y Bergen-Belsen a uni forsa na un conferencia na Den Haag pa presiona gobiernonan pa pusha pa nan inclusion riba lista di UNESCO.

E centronan memorial "ta muestra visiblemente kico ta pasa ora dignidad di tur ser humano no ser protegi," nan a bisa den un declaracion conhunto.

Micha Gelber, un di e ultimo sobrevivientenan Hulandes di Bergen-Belsen, a bisa AFP cu preserva memoria di e campamentonan ta aun mas importante considerando e aumento di antisemitismo na Hulanda.

Den dianan reciente, dos dispositivo explosivo a ser poni pafo di un scol Hudiu na Amsterdam y un sinagogo na Rotterdam, causando miedo y rabia den comunidad Hudiu.

"Mi semper tabata sa cu antisemitismo no a desapare despues di guera. E semper a keda y e tin su subida y baha-danan," Gelber, di 90 aña, a bisa.

"Mi ta pensa cu ta importante pa sostene cualkier medio, cualkier posibilidad, pa no lubida," el a agrega, kende a comparti su experiencianan duro cu mas cu 1.000 scolnan

y institucionnan.

Martine Letterie, un di organisadornan di e campaña, a bisa cu campamentonan di concentracion cada bes mas ta bira blanco di vandalismo, incluyendo imagennan ultraderechista pinta riba e lugarnan.

E compleho di campamento di concentracion Nazi mas grandi, Auschwitz Birkenau na Polonia, ya ta inscribi riba e lista di Patrimonio Mundial di UNESCO.

Pero pone e otro lugarnan riba lista "lo nifica cu nan ta ser preserva, no importa cua gobierno tin," Letterie a bisa AFP.

El a señala na Alemania, unda algun miembro di e partido ultra-derecha AfD a muestra resistencia contra tradicion di e pais pa recorda liberacion di e campamentonan.

Un di su ex-lidernan, Alexander Gauland, a describi e era Nazi algun biaha como simplemente "un mancha chikito" den historia Aleman.

"Partidonan populista ta ganando forsa rond henter Europa, y nan no ta realmente na favor di protege democracia y estado di derecho," Letterie a bisa AFP.


"Esaki ta loke ta preocupa nos."

Resultado Sorteo 19 maart 2026			
Cadena Alexander Lottery ta presenta resultado di weganan di suerte			
DIARIO		KORSOU	
3001		4593	
0292		4901	
4672		2631	
SUPER4		FLAMINGO	
5027		9801	
SUPER5		2839	
-		1062	

MERDIA		ANOCHI	
			
Sorteo # 4922		Sorteo # 8803	
9141		7379	
9846		2454	
5107		1261	
			
X2		X3	
			
Sorteo # 4922		Sorteo # 7847	
4067		9034	
			
X5		X2	
			
Sorteo # 2978		Sorteo # 2552	
7860		1503	
			
Sorteo # 4922		Sorteo # 6606	
7661		1754	
Geminis		Virgo	
			
Sorteo # 1796		Sorteo # 1536	
148		550	
			
X2		FP	

	03-10-14-24-32	
Sorteo # 2679	Joker	12 Letter K
1 x Jackpot	Proximo Jackpot	
0 x Match 4+	100.000,-	
1 x Match 4		
197 x Afl. 12,00		
	02-10-12-14-30	
Sorteo # 7128	Proximo Jackpot	
0 x Jackpot	51.000,-	
4 x Match 4		
144 x Afl. 8,00		

		
Sorteo #	Mega Ball	
0 x Jackpot	Proximo Jackpot	
0 x match 4	360.000,-	
0 x Afl. 500,00		
0 x Afl. 50,00		
0 x Afl. 15,00		
	Afl. 540.000,-	
		
Sorteo #	Sorteo #	
		



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: **San Nicolas:**
Eagle : Aloe:
Tel. 587 9011 Tel. 584 4606

EMERGENCIA 911

POLIS

Oranjestad 100

San Nicolas 104

Santa Cruz 105

Noord 107

Tip Line 11141

Brandweer 115

Ambulance 911

Hospital 527-4000

Imsan 524-8833

Warda Costa 913

Seguridad Nacional 11911

Cruz Cora 582-2219

BOTICA

Aloe 584-4606

4 Centro Medico 584-5794

Central 585-1965

Dakota 588-7364

Del Pueblo 582-1253

Eagle 587-9011

Kibrahacha 583-4908

Maria 585-8145

Di Servicio Noord 586-4606

Oduber 582-1780

Paradera 588-6638

San Lucas 584-5119

Santa Anna 586-8181

Santa Cruz 585-8028

Sero Preto 584-4833

Trupial 583-8560

UTILIDAD

Setar 117

Web 525-4600

Elmar 523-7147

FUNERARIA

Aurora 588-6699

Royal Funeral H. 586-4444

Ad Patres 584-2299

Olive Tree 584-8888

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Rusia lo manda hende muher cu no kier yiu psicologo


(AFP)—Rusia lo manda muhernan cu no kier tin yiu pa psicologo bao guia di salud nobo cu ta destina pa enfrenta un crisis demografico sistematico.

Caida den tasa di nacemento na Rusia ta keda un di e preocupacionnan principal di presidente Vladimir Putin durante su 25 aña na poder, y mirando cu Moscu a manda shen miles di hoben masculino pa frente di guerra na Ucrania den e ultimo cuater aña, e problema a solamente empeora.

Bao e guia nobo di ministerio di Salud pa control di salud reproductivo, dokternan lo puntra muhernan cuanto yiu nan kier tin.

Si e muher contesta cero, “ta recomenda pa manda e pashent pa un consulta cu un psicologo medico cu meta pa forma un actitud positivo pa tin yiu.” E recomendacionnan a ser aproba fin di februari, pero apenas e siman aki media estatal a cuminsa reporta riba esaki.

Hefe di Kremlin ta presenta e poblacion di Rusia cu ta bahando como un asunto di sobrevivencia nacional — advertiendo na 2024 cu Rusia lo enfrenta “extincion” si no



aumenta e tasa di nacemento. Tasa di nacemento di Rusia actualmente ta rond di 1,4 yiu pa muher — e nivel mas abao den 200 aña — hopi mas abao di 2,1 cu demografonan ta bisa ta necesario pa mantene un poblacion stabiel.

Den e ultimo añanan, Moscu

a haci regla di aborto mas estricto y a pasa ley pa haci asina yama “propaganda sin yiu” ilegal.

Famianan grandi ta ser presenta como heroenan nacional y ta ricibi varios beneficio financiero y social for di e estado.

Pronostico di tempo

Tempo:

Awe tardi y awe nochi: parcialmente nubla y seco

Den marduga y mañan: parcialmente nubla cu un awasero pasahero

Temperatura maximo 32 grado celsius

Temperatura minimo 26 grado celsius

Indice di calor (heat index) den y rond di oranan di merdia: 33 pa 37 grado celsius

UV index: 12

Bahada di solo : 6:50 pm

Subida di solo : 6:44 am

Biento:

Moderata for di direccionnan generalmente oost;

Forsa 3 te 4 (12 te 30 km/ora, 7 te 16 nudo).

Durante di dia basta fuerte den rafaga;

Forsa 5 (31 te 39 km/ora, 17 te 21 nudo)

Situacion general di tempo pa proximo 24 ora:

E area di presion halto riba Atlantico lo sostiene un biento modera te basta fuerte den rafaga. Di otro un banda por bisa cu algun area di nubia transporta cu e biento pa region local, lo por induci un awasero breve durante e periodo di pronostico aki.

Condicionnan maritimo/ estado di lama:

Na partinan protegi di costa: Keto cu olanan rond di 1 pia.

Na partinan zuid protegi: trankil, 1 te 2 pia.

Na partinan zuid no protegi: trankil te modera cu olanan alrededor di 2 pia.

Na partinan oost te noordwest di costa: Generalmente modera cu olanan alrededor di 3 pa 4, localmente 5 pia.



Aurora

Royal Pray

Funeral Home & Crematory

*Dios lo habri porta pa bo.
I nos sa ku den tur kos Dios ta traha pa
e bon di esnan ku ta stim'E.
Romano 8:28*

Cu inmenso tristesa den mi curazon, pero conforme cu boluntad di Dios, Mi ta participa fayecimiento di mi Esposo:



Herbert Winfield Croes
Mihor conoci como: “Boei”
*16-10-1956 - †06-03-2026

Na number di su **esposa**:
Erna Croes-Boekhoudt

Mayornan:
†Herbert Sydney Croes y †Elena (Ellen) Croes-Raven

Suegro y Suegra:
†Basilio Boekhoudt y †Ana Maria Boekhoudt-Croes

Rumannan:
Helen (Heddy) y Frederic Muskus-Croes
Esther Madeline Croes y yunan
Dan Milstein
Richard (Darrel) Milstein y Monica Areliano
† Elaine Silvia Croes
Grecelle y Dady Roos-Croes y yunan
Murielle y Patrick Brown-Roos y yunan
Thomas y Laura
Amy Roos y yunan
Nina, Gabriella y David

Su tantanan y omonan:
† Aquiles y Jane Raven-Arends y famia
† Ada y † Edward de Haseth-Raven y famia
† Albert y Evelina Raven-Arends y famia
Judith y Frans de Vries-Raven y famia
† Violet y † Adrianus Polviet-Croes y famia
† Daisy y † Juan Chabaya (Padu) Lampe-Croes y famia

Cuñanan:
Betty y † Alejandro (Janjo) Boekhoudt y yunan
Raymond y Haidy Boekhoudt-Alfaro Luna y yunan
Alejandra y Daniela
Mariska y Michael Lin-Boekhoudt y yunan
Michelle y Jonathan
Alvin y Jessica Boekhoudt-Kelly y yunan
Dylan y Jeslenne
Irma Boekhoudt
† Chimina y †Jaty Thijzen y yunan
Dennis y Gina Thijzen-Jansen y yunan
Genisha y Jasmira
Milton y Amparo Thijzen-Alzate y yunan
Anton y Jenny
† Aura y †George Nicolaas
Louisa (Lucia) y Ronny Arends y yiu
Ricky y Jennifer Arends-Reyes y yiu
Charlotte
† Elka Boekhoudt

Demas Famia: Croes, Boekhoudt, Raven, Arends, Muskus, Roos, Milstein, Brown, Irausquin, Areliano, Lampe, Polvliet, Thijzen, Nicolaas, de Haseth, de Vries, Trinler, Henriquez, Eman

Na tur su bon amigonan cu ta hopi pa menciona.

Na Trinity Quality Care pa su bon servicio: Kim, Melissa, Marlene, Farshjana, Desi, Inge, Nathalie, Judith, Suze

Acto di entierro lo ta tuma lugar diasabra 21 maart 2026 den Kerki Protestant na Playa. E restonan mortal di mi querido esposo Herbert Winfield (Boei) Croes lo reposa for di 9.00 am pa 11.30 a.m di mainta y depues pa Santana Protestant den Caya Ernesto Petronia.

Mi ta lamenta cu despues di entierro mi no por ricibi condolencia na cas.

Si en caso den mi tristeza mi por a lubida algun persona of famia, mi ta pidi mi mas sincero disculpa

Aurora

Royal Pray

Funeral Home & Crematory

*“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.*
Salmo: 23

Nos ta anuncia fayecimento di:



Johanne Jean Louis – Damus
Cariñosamente conoci como: “Jo”
*19-10-1988 - † 10-03-2026

Mayornan :
Juliette Damus y Williams Toussaint †

Tata di criansa : Chener Sainvil

Casa: Alex Jean Louis

Yiunan :
Sarreen Damus
Alexander Jean Louis
Aisha Jean Louis

Rumannan :
Alexandra Damus (Boston)
Edson Damus (Aruba)
Nedssa Merise (Florida)

Padrino: Daniel Saintilair

Cuñá : Marie Carmelle Germiné –Jean Louis

Comadre : Marie Baptistin-Jean

Tia / Tio nan:
Lina Clénante
Marlene Nadilia
Sherley Fritznél

Gladys Ricot †
Liliane Mariella
Magalie

Prima / Primo nan:
Cleanta Frantz
Roselaine Nadine
Simone Reno
Suze Merlyne
Sheila Chanel
Marthe Maudeline
Claudia Ezechiel
Rubens Reginald
Colby Jean Francois
Caleb

Amiganan stima :
Sandra, Dijna, Marline, Magdala, Natalie, Ketty, Ascernet,
Refirancia, Chachelle

Tia / Tio nan bandi casa su famia :
Gerline, Elvia, Beelly, Emilie, Magdala, Miryelle
Enel. Madeliene

Prima / primo nan bandi casa su famia :
Leona, Germima, Jean Max, Walter

Demas famianan :
Damus, Jean Louis, Brice, Merveille

Demas coleganan di trabou

Cu asina tanto ser kerí den nos curason, nos por a lubida un number sin intencion. Por favor acepta nos disculpa sincero y sa cu bo ta wordo recorda.

Condolencia lo tuma lugar diabierna 20-maart-2026 na Aurora Funeral Home di 7or pa 9or pm.

Acto di entierro lo tuma lugar na dia diasabra 21-maart-2026 di 2or pa 4or pm na Iglesia Alianza Evangelica Oranjestad Constantijn Huygenstraat 17 y despues lo sali bai pa santana central na Sabana Basora

Aurora

Royal Pray

Funeral Home & Crematory

*“Laga tur local cu ta spera’mi ta bunita,
Laga tur locual cu mi encontra na caminda ta bunita,
Laga tur local cu ta rondonami ta bunita, Laga tur local mi ta laga’tras keda bunita y laga esakinan termina den tur bunitéza”.*
Cado Wever



Nos ta anuncia fayecimento di:

Olivio de Cuba
Cariñosamente yama: “Papa, Opa, Opachi, Tio, Papa Bieu”
Ex-trahado di BUVO
*03-06-1938 – †15-03-2026

Mayornan: † Ramon de Cuba y †Emilia de Cuba- Kock

Esposa: † Sra. Enriqueta de Cuba-Koolman

Yiunan:
Robert y Olga de Cuba-Satizabal
Enid y Josef Croes-de Cuba
Mabel y Errol Farro-de Cuba
Gina de Cuba
† Clyde y †Maira de Cuba-Croes
Lillian de Cuba y Tito Thiel
Roderick de Cuba
Wendy de Cuba

Nieto(a)nan:
Sharissa y Bryan Dirksz-de Cuba
Janine y Stefan Reek-de Cuba
Shannon y Claudia de Cuba
Amber y Boaz Saam-de Cuba
Brandon y Danielle Baars
Shaun, Shandrick de Cuba
Aaron, Joueny Croes
Stacey y Rodd Croes-Banfield
Shanley y Will Erasmus-Banfield
John Wever
Jerald y Diliana Wever-Ras
Janeczka Wever y Guido Wouters
Clairy, Clayenne de Cuba
Nigel, Ithel Maduro
Sheyenne, Alysha Rasmijn

Bisanieto(a)nan: Shaquil, Braynsly, Sherdion, Ebrion, Ayden, Daley, Elena, Shanito, Shane, Eli, Joa, Mila, Ryan, Kayden, Maddison, Thahirah, Ebrianhy, Emali, Jayvin, Daylen, Zendrick, Qizion, Jerzion, Giuvon, Jaëlyenne y Jaediënne.

Tatara nieto: Tristian

Rumannan:
† Carlos y Aura de Cuba-Osteicoechea y famia
† Fernando y † Thelma de Cuba y famia
Calista y † Theo Paalman y famia
† Arichi y † Ninita de Cuba y famia
Cerialia de Cuba y famia
Beltra de Cuba y famia
Elita de Cuba y famia
† Luis de Cuba

Swa y cuñanan:
† Aquilino y † Yoyo Koolman y famia
† Armando y † Imelda Koolman y famia
† Calista y † Boy Simon y famia
† Chena y † Chemito Kelly

Amigo/amiganan di cas :
Francisco y Netsay Ruiz, Albertico Rasmijn y Morgenster Domino Team

Ayudante nan: Soraya, Erna y Blanca

Demas famia: de Cuba, Croes, Farro, Thiel, Dirksz, Banfield, Wever, Rasmijn, Koolman, Simon, Paalman, Ruiz, Kock, Maduro, Wouters, Satizabal, Osteicoechea, Kelly, de Kort, v/d Linden, Schwengle, Velasquez, Bustillos, Agumbero, Colina, Refunjol, Angela, Theysen

Grupo 60+ Curason Savaneta, Flor di Brasil y Fundacion Cas di mi Chepa
Despensa nos si den nos tristeza nos por a lubida un of otro persona

Ta invita pa acto di condolencia y despedida cual lo tuma lugar diabierna 20 di maart 2026 na Aurora Funeral Home di 1 or pa 4 or pm y despues lo sali pa Santana Catolico na Savaneta.

Aurora

Royal Pray

Funeral Home & Crematory

"Wat op liefde gebouwd is, kent geen vergeten."



Cu inmenso tristeza y profundo dolor na nos curason, pero conforme cu boluntad di Dios nos ta participa fayecimento inesperadamente di:

Mr. Orlando Edmund Lo-Fo-Sang
Mihor conoci como: "Meneer Lo-Fo-Sang"
*10-09-1951 - †10-03-2026

Na number di su:

Esposa: Catarina Lo-Fo-Sang-Zievinger

Yiunan:

Delano Kross, esposa y yiunan
Jaiden Lo-Fo-Sang, pareha y yiu
Garrick Loefstok y yiunan

Mayornan:

† Ilse Harriette Samson
† Paul Lo-Fo-Sang

Rumannan:

Annemarie Ilse Lo-Fo-Sang y famia
Ilsemarie Eleonora Lo-Fo-Sang y famia
Jacqueline Elisabeth Lo-Fo-Sang

Prima y primonan:

Maria Monsanto (na Hulanda)
Kenneth Samson y famia
Leo Samson y famia

Suegra y suegro:

†Reginalda y †Bonifacio Zievinger-Klepper

Cuñia y swanan:

Miguel, esposa Vilma y yiunan
Angela (Maria) Zievinger
Reina, esposo Isidro y yiunan
Juanita, esposo Jovito y yiunan
Magdalena, esposo Wilfrano y yiunan
Pedro Zievinger
Francisco (Frans), esposo Mayra y yiu

Amigonan di cas:

Michael Bierfliet (na Suriname)
Buchi (Alberto) La Veist
Harold Rafini

Ex-coleganan di Emma School, Pieter Boer, J.F.K. School, y E.P.B. Hato

Demas famia: Lo-Fo-Sang, Zievinger, Samson, Kross, van der Maarel, Ng, Klepper, Henriquez, Boekhoudt, Quintero, Tromp, Guerra

Disculpa nos si den nos tristeza nos por a lubida riba un of otro famia.

Oportunidad pa condolencia lo tuma lugar diahuebs 19 di maart 2026 di 7:00 pa 9:00 pm na Aurora Funeral Home.

Ta invita pa e acto di despedida cu lo tuma lugar diabierna 20 di maart 2026 na misa Santa Filomena di 9:00 am pa 11:00 am, sigi pa e acto di entierro na Santana Pastor Kranwinkiel na Paradera.

Despues di entierro lo no bay ricibi bishita na cas.

Aurora

Royal Pray

Funeral Home & Crematory

A fayece:



Señora Maximina Orman
Carinosamente yama: Mina
*14 Dec 1948 - †16 Mrt 2026

Na number di su:

Yiunan:

Micheline y Francis
Prince
Moriah y Marc
† Shawn
† Hannah

Rumanan:

† Carla Dirksz
† Ovito Orman
Leo Dirksz
Milvia y Josito
Rafael y Mariela
Rudy y Gina
Mitza y Carlos
Oslin y Ximena

Mihor amiga: Chichi

Nuera: Sandra

Nietonan: Ismaël, Prince, Sharida, Cheline, Noelly, Cheyenne, Anthony, Shawnee, Thaylor, Naomi y Angel

Bisanietonan:

Jefairo, Kaiden, Cataleya,
Delyshano, Isheyna, Ishma Ellie
Charaylee

Subrino y Subrinanan:

Sheidy, Marissa, Brian y Marylin
Ralph, Mireille, Giellion, Andreina
Jeandry y Paola, Ghislaine
Giovanny y Astrid, Jeanina y Ruben
Melisa y Etienne, Gabriel
Charelda, Melitza
Janice, Sherrylane
Bricis, Tieris
Waldrick

Demas Famia: Richardson, Paalvast, Wiilems, Arends, Beccera, Croes, Dirksz, Dubero, Cabral, Gomez, Lierop, Maduro, Orman, Ras, Tromp, Werleman, Wever, Zucotti dos Santos, Famia na Hulanda, Corsow, St Maarten, St Kitts
Famia ta pidi disculpo pa den tristeza si por lubida algun famia.

Nos ta invita tur famia, bisiñanan y conocirnan pa asisti na **acto di condolencia y despedida** cu ta tuma lugar diabierna 20 di Maart 2026 na lugar di Royal Funeral Home di 7or te cu 9or di anochi. Cremacion lo tuma lugar despues.

Yiunan ta pidi pa bisti algo alegre.

Aurora

Royal Pray

Funeral Home & Crematory

*Precious in the sight of the Lord
is the death of his saints.
Psalm 116:15*



It is with deep sympathy we announce the passing away of:

Ronald Ernest Alberto
Better known as "Ronnie"
Sunrise 14-08-1948 – sunset 18-03-2026

Left to mourn are his:

Siblings:

Elvia Trinidad and family Curaçao
† Rosa Linda Alberto
Bertha Alberto Curaçao
Cecil and Sildra Alberto-Bradshaw and family Curaçao

Nieces & nephews:

Antonia Alberto The Netherlands
Lionel and Marcela Rumnit
Roxanne Rumnit
Timothy Alberto The Netherlands
Kimberly Maduro-Alberto and family

Great nieces and nephews too numerous to mention.

Shanty Vrolijk

Cousins are too numerous to mention.

Cousin like a brother: Jones Cannegieter

The Evangelical church of San Nicolas, neighbors, friends Eddy, Jan and others we did not mention.

Ronnie was related to: Alberto, Jacobs, Hughes, van Heiningen, Cannegieter, Solomon, Sherwood, Peters, Wilson, Brown, James, Bradshaw, Trinidad.

We sincerely apologize if during our grieve we forget to mention any family members.

The condolences and funeral service will take place on Wednesday March 25th 2026 at the Evangelical Church in San Nicolas from 9am to 11am.

He will be buried in the Central Cemetery of Sabana Basora.

We regret that we cannot accept condolences at home before and after the funeral.

Aurora

Royal Pray

Funeral Home & Crematory



*Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.*
Autor: Cado Wever.

Sr. Herbert S. Croes
* 07-12-1954
† 18-03-2026

Cu dolor na nos curason, nos ta participa fayecimento di

Acto di despedida lo wordo anuncia despues

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23



Sr. Leopoldo Lampe
Cariñosamente yama: "Leo"
*30-11-1957 - †17-03-2026

Acto di entierro lo wordo anuncia despues.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga tur esakinan termina den tur bunita.
Autor: Cado Weber



Cu inmenso dolor na nos curason pero conforme cu boluntad di Dios, nos ta participa fayecimento di nos mama, wela, bisawela, suegra, ruman, tanta, amiga stima:

Sidonia Maria Fabus-Boezem
Miho conoci como "Donna, Sidon, Tanchi Don, Chidon, Tilon"
*23 augustus 1956 - † 15 maart 2026

Acto di entierro di nos mama stima lo wordo anuncia despues.

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
"Cerca Dios mi alma ta na paz, ta di DJE mi salvacion ta bin"
Salmo 62:1



Cu dolor na nos curason, nos ta participa fayecimento di nos ser stima:

Teofila Catharina Maduro
Cariñosamente yama "Chichi of Tantan"
*07-12-1941 - †14-03-2026

Acto di entierro lo wordo anuncia despues

Bielorrusia ta libera 250 prisionero politico den acuerdo cu Merca

(AFP)—Bielorrusia a libera 250 prisionero politico diahuebs despues di negociacion cu Merca, mientras Washington a acepta pa kita sancionnan riba varios compania Bielorruso a cambio, un oficial Mericano a bisa.

E liberacion di prisioneronan, esun mas grandi den años, a bin algun ora despues cu enviado di Merca John Coale a reuni cu presidente di Bielorrusia Alexander Lukashenko na Minsk.

Presidente di Merca Donald Trump a busca pa fortifica relacion cu Bielorrusia, un aliado cerca di Rusia, desde cu el a drenta poder aña pasa, suavizando sancionnan riba e pais y dunando e bonbini na su "Directiva di Paz".

E estado autoritario den Oost-Europa a libera decenas di prisionero den e ultimo lunanan, danki mayormente na esfuersonan di Merca.

"E liberacion di 250 persona awe ta un logro humanitario significativo y un prueba di compromiso di e presidente cu diplomacia directo y firme," Coale a skirbi riba X.

"Libertad ta nos meta. Nos ta expresa nos mas profundo gratitud na nos partnernan na Lituania pa nan rol clave den e mision," el a agrega.



bishita Merca.

Entre esnan libera diahuebs tabatin activistanan di derecho humano Valentin Stefanovich, Marfa Rabkova y Anastasiya Loika, grupo di derecho humano Bielorruso Viasna a reporta.

Bielorrusia ainda ta mantene centenares di prisionero politico den su prissonan, hopi di nan aresta despues di e eleccion disputada di 2020 cu a causa protestanan masivo.

Lider di oposicion Svetlana Tikhonovskaya a gradici Trump pa su esfuersonan cu tabata "salbando bida" y a urgi pa e liberacion di esnan cu ainda ta deteni.

Coale a anuncia cu Merca lo kita sancionnan riba varios banco Bielorruso y productor di fertilisante, y tambe riba ministerio di Finanzas, como parti di e acuerdo.

E tambe a sugeri pa Lukashenko

"Presidente Trump constantemente ta referi na presidente Lukashenko como su bon amigo y un lider respeta," el a bisa.

E Occidente anteriormente a impone sancionnan severo riba Minsk pa su rol den facilita e invasion di Rusia na Ucrania na 2022, y tambe pa represion di protestanan na 2020.

Lukashenko ta goberna Bielorrusia desde 1994 cu man fuerte, den loka criticonan a yama e ultimo dictadura di Europa.

Eleccion cu a tuma luga na augustus 2020 a resulta den otro victoria contundente pa e lider di, un resultado cu oposicion a denuncia como claramente falsifica.

Potret di AFP / Belarusian Presidential Press Service.

No tin 'linea di tempo definitivo' pa caba e guerra cu Iran, segun Pentagono

(AFP)—Secretario di Defensa di Merca, Pete Hegseth, a bisa diahuebs cu no tin ningun "linea di tempo" pa termina e guerra di Merca-Israel contra Iran, cual a cuminsa tres siman pasa.

"Nos no kier pone un linea di tempo definitivo," Hegseth a bisa durante un conferencia di prensa, agregando cu "nos ta riba bon caminda" y cu presidente Donald Trump lo ta esun cu lo dicidi ki ora pa stop.

"Na final lo ta e decision di e presidente, ora nos bisa: 'Hey, nos a logra loke nos mester.'"

Hegseth tambe a atende un report cu e Pentagono a pidi mas cu \$200 biyon adicional di Congreso pa paga pa e conflicto.

"Pa loke ta \$200 biyon, mi ta

pensa cu e suma ey por cambia. Claro, ta costa placa pa elimina enemigo," Hegseth a bisa.

"Nos ta bay back Congreso pa sigura cu nos ta adecuadamente financia pa loke ya a ser haci y pa loke nos por haci den futuro," el a bisa.

Oficial militar mas halto di Merca, general Dan Caine, kende a papia hunto cu Hegseth, a duna detaye riba arma cu ta ser usa contra Iran y su forsan aliado den e region.

Caine a bisa cu e A-10 Warthog — un tipo di avion crea pa apoyo aereo cercano — ta "cazando y eliminando boto di atake rapido" den e estrecho importante di Hormuz, cual Iran efectivamente a cera pa trafico maritimo despues di comienso di e guerra.



E tambe a bisa cu AH-64 Apache ta ser usa na Irak pa apunta riba gruponan di milicia aline cu Iran, y cu algun aliado di Merca ya a cuminsa usa e helicopternan di atake pa contra dronnan cu forsan di Teheran ta lansa.

China no tin plan pa invadi Taiwan na 2027, segun inteligencia Mericano

(AFP)—China actualmente no tin plan pa invadi Taiwan na 2027 pero ta buscando pa tuma control di e isla cu ta gobernando su mes sin usa forza, segun un rapport anual di inteligencia di Merca, cual a causa un reaccion fuerte di Beijing diahuebs.

China ta reclama Taiwan como parti di su territorio y a menasa pa usa forza pa tuma e isla, aumentando presion militar y ehecucion di ehecicio den e ultimo añanan.

Comunidad di inteligencia “ta evalua cu lidernan Chines no tin plan actualmente pa ehecuta un invasion di Taiwan na 2027, ni tin un linea di tempo fiho pa logra unificacion,” e rapport yama Annual Threat Assessment a bisa diaranson.



Vocero di ministerio di Exterior di China, Lin Jian, a responde diahuebs cu “e asunto di Taiwan ta un asunto interno di China” y a urgi Merca pa “papia y actua cu cautela” riba e tema.

“Merca mester...corigi nan

compresion di China y stop di promove teoria di menasa di China,” el a bisa durante un conferencia di prensa.

Aña pasa, oficialnan di e Departamento di Defensa di Merca a señala 2027 como un posible fecha pa un atake.

Pero e comunidad di inteligencia awor a presenta un analisis mas balansa di e situacion.

“Na 2026, Beijing lo probablemente sigui busca pa crea condicionnan pa eventualmente logra unificacion cu Taiwan sin un conflicto,” e rapport a bisa.

Pero el a adverti cu oficialnan Chines ta reconoce cu un invasion anfibio di Taiwan “lo ta extremadamente dificil y cu un riesgo halto di fracaso, specialmente si Merca inter-veni.”

Autornan di e rapport a bisa cu China ta insisti publicamente cu “unificacion cu Taiwan ta necesario pa logra su meta di ‘renobacion nacional’ pa 2049,” loke ta indica un linea di tempo mucho mas largo.

Beijing lo considera varios factor den cualkier decision pa invadi Taiwan, incluyendo su preparacion militar, politica di e isla y si Merca lo inter-veni na favor di Taiwan.

Merca no ta reconoce Taiwan oficialmente, pero ta e aliado militar principal di e isla — aunke tono di e apoyo aki a bira un tiki mas suave bao presidente Donald Trump.

Un oficial di seguridad di Taiwan a adverti diahuebs cu “esaki no ta nifica cu e menasa contra Taiwan a termina.”

China ta “constantemente ahustando su metanan y linea di tempo pa agresion y expansion segun situacion strategico general y condicionnan practico,” e oficial a bisa, pidiendo pa keda anonimo.

Presidente di Libanon ta haci yamado pa tregua

(AFP)—Presidente di Libanon, Joseph Aoun, a renoba diahuebs su yamado pa un tregua y apertura di negociacionnan cu Israel pa stop e guerra entre nan y Hezbollah, durante un reunion cu minister di Exterior di Francia, Jean-Noel Barrot.

Libanon a ser hinca den e guerra regional dia 2 di maart, ora Hezbollah a lansa rack-etnan den direccion di Israel como reaccion na e morto di su aliado, e lider supremo di Iran, den atakenan di Israel y Merca.

Israel a responde cu atakenan aereo fuerte den varios re-



gion y incursionnan terrestre, cu den total a causa mas cu mil persona morto.

Aoun a enfatisa e “necesidad di un alto al fuego, y pa brinda e garantianan necesario pa su exito pa parti di esnan involucra,” segun un declaracion di presidencia.

Presidente a bisa cu “e iniciativa di negociacion cu el a anuncia ainda ta riba mesa, pero e continuacion di escalacion militar ta obstaculisa su lansamento,” e declaracion a agrega.

El a bisa cu Aoun a enfatisa cu “loke ta importante ta pa stop e escalacion” entre Hezbollah y Israel.

Dia 9 di maart, Aoun a propone un iniciativa di cuatro punto cu ta inclui “establece un tregua completo” cu Israel, brindando apoyo logistico na e hercito pa “desar-

ma Hezbollah y desmantela su puesto y almacenamentonan,” y cu Libanon y Israel “cuminsa negociacion directo bao auspicio internacional.”

Barrot ta na un bishita corto na Libanon cu “ta refleha apoyo y solidaridad di Francia cu pueblo Libanes, kende a wordo hinca den un guerra cu nan no a scoge,” ministerio di Exterior Frances a bisa.

Ademas di Aoun, Barrot a reuni cu prome minister Nawaf Salam y presidente di parlamento Nabih Berri.

Barrot tambe a bishita un scol cerca di Beirut cu a ser converti den un refugio pa personanan desplasa pa e guerra.

Segun un declaracion di ministerio di Exterior Frances, Barrot tabata programa pa consulta cu e tres lidernan “riba e situacion na Libanon y maneranan pa reduci esca-

lacion.” Presidente di Francia Emmanuel Macron a papia cu e presidente, prome minister y presidente di parlamento di Libanon diabierna pasa, y e siguiente dia a haci yamado na Israel pa acepta negociacionnan directo cu gobierno Libanes.

Macron a expresa e disposicion di Francia pa facilita e negociacionnan door di acoge nan na Paris.

Ministerio di Exterior despues a agrega cu Barrot lo bishita Israel diabierna, su prome biahe desde 2024 y e prome desde cu Francia a reconoce Estado di Palestina aña pasa.

Barrot “lo tene combersacion cu autoridadnan Israeli pa discuti e situacion di seguridad, asuntonan humanitario y posibilidadnan pa reduci escalacion,” segun e ministerio.

Mother

It is very easy to become sentimental in May and
talk about your mother.
One of the earliest songs

I recall about Mother went like this:

M - is for the many things she gave me,
O - means only that she's growing old.
T - is for her tears that were shed to save me.
H - is for her heart of purest gold.
E - is for her eyes with love-light shining
R - means right, and right she'll always be.

Put them all together, and they spell MOTHER.
A word that means the world to me.

A poem for Ellen Croes-Raven, in loving
memory, from her son, Herbert “Boei”
Croes, who are now reunited.